

敬業堂詩集

冊七

敬業堂詩續集目錄

第一卷

漫與集上 古今體詩一百十六首

第二卷

漫與集下 古今體詩一百二十首

第三卷

餘生集上 古今體詩二百四首

第四卷

餘生集下 古今體詩一百三十首

第五卷

詣獄集 古今體詩七十四首

第六卷

生還集 古今體詩七十七首

住劫集 古今體詩五首

卷六

前燈集 古今體詩十四首

敬業堂詩續集目錄

續集不 古今體詩一百三十首

卷四

續集上 古今體詩二百四首

卷三

續集不 古今體詩一百二十首

卷二

續集上 古今體詩一百十六首

卷一

敬業堂詩續集目錄

敬業堂詩續集卷一

海寧 查慎行 悔餘

漫與集上

起戊戌五月盡
庚子十二月

少陵云老去詩篇渾漫與俗本多誤與爲與東坡先生用之云清篇真漫
與叶入語韻可證興字之繆余年衰才盡從前媿乏驚人之句已鏤板問
世悔莫能追自茲以往當日就頽唐不知餘生尙閱幾寒暑更得幾首詩
也

介庵上人新住古衡丙舍贈以六言二絕

插竹編籬作苦灌園抱甕忘機
晏晏松風吹帶溥溥草露沾衣
老去師宜住靜佳時我定來遊一段因緣不淺兩條拄杖交頭

聞許立巖侍御內陞列卿將假歸省覲喜而有寄兼呈座主宗伯公

宦途原自達家慶復誰同堂上尙書履門前御史驄望雲占喜氣計日及秋風
預蠟陪游屐詩成報謝公

盆池荷花六韻

七月二日

庭窄無池位埋盆種藕芽四年空布葉今日忽開花
照影亭亭上迴風故故斜涼生三尺幔香透一重紗
物性清難奪人情少見誇跣趺如可結莫便委泥沙

用辟支佛事

題沈麟洲覓句圖

君家遠有承詩是東陽格苦覓人不知却道無心獲

閩二日德尹芝田兩弟皆有和章詩來而花已謝次韻

陳根抽五蕊一朵粲新芽野老衰遲目仙人頃刻花
有莖仍挺拔是葉總天斜畫之施丹手詩留護壁紗
瑤池歌已遠玉井語徒誇若要顏長駐除非伏火砂

許立巖見過村居

茆齋無客到門刺荷相投水長萍浮岸橋低石礙舟
六年驚易過一飯挽難留忍作忽忽別蒹鱸已報秋

重離照南陸炎火屢焚如夏雲多奇峯近瞻百里餘田家豈不苦似爲饑所驅
白日淪西河始雷發東隅神淵瀉時雨好風與之俱良苗亦懷新繞屋樹扶疎
農務各有歸吾亦愛吾廬悠悠待秋稼且還讀我書卽事多所欣慰情良勝無
戊戌秋陶菴中丞由粵東巡漚入都道經吾里枉使見存山肴村釀追
送于黃灣傳舍長律志別十六韻

道遠驅馳數恩深出入勞兩年開幕府六月載星旄溟展垂天翼山移戴角鼈
先聲飛組練小隊偃弓刀當暑佳眠食沿途戒驛騷僕夫非況瘁王事有游敖
重譯銷烽燧單車沛雨膏來觀滄海日及賦曲江濤中丞于中秋後一日渡錢塘竊聽詩篇

富懸知氣象豪前旌臨敵邑枉訊到吾曹衰賤才何有先生誼獨高昨容修刺
謁今許贈言叨先生許爲余作詩序後會殊難卜餘歡又一遭吟還催翦燭節欲近題糕

野餉攜蔬藪村沽載濁醪敢邀騶從辱三徑滿蓬蒿

閏八月望夕桂堂小飲芝田有詩次其韻

菊叢未吐桂叢幽前度追驪發興猶月轉黃昏成白晝天回寒露作中秋明日爲寒

露節安排格韻訓詩敵牽率茶僧預飲流謂得泉法師三十八年同一夢夢闌忽失少

年遊庚申閏中秋余客黔南幕府今三十八年矣

寒露後六日偕東亭德尹曾三芝田諸弟集季方兄曉天書屋芝田以

詩索和次原韻

不然已過登高會霜露中分閏月天家有弟兄如老友身除疾病即頑仙夜涼

庭桂殘香候秋澹籬花嫩蕊先累爾轆轤頻下汲近來吟思似枯泉蘇子由詩云老人詩

思如枯泉轆轤不下齏盎乾年來每有宴會芝田必首唱索和故云

重九雨中偕諸兄弟赴曾三之招

齒會寧嫌數佳辰不憚勞門前泥滑滑堂外雨嘈嘈軟美糕蒸栗鮮肥蟹擘膏

海山青似染縱目勝登高

後六日德尹治具邀諸兄弟登龍山小憩西林庵再過妙果山房看菊

二首

忽聞乾鵲報檐聲昨夜猶防雨阻行雲日放晴天有信霜風吹鬢帽多情同遊

特許緇隨素一醉頻煩弟勸兄不負年年爲此會鄉山洽恰占佳名

五日爲期六日遲流光如駛詎堪追菊尋西社初開處楓愛吳江半落時興到

儘拚雙屐往力稀全靠一筇支笑將閒事成忙事已補登高又補詩

立冬後二夕大雷雨

夏令冬行虐陰陽變慘舒蟲經坏戶後雷似發聲初窗裂新糊紙簷鳴暴漲渠

一燈愁不寐細檢五行書

長至前後經旬苦雨田租不入廚人告米罄適芝田弟詩至和以遣懷

薄田纔二頃歲入給官私小縣開倉蚤秋糧例於十月朔開徵荒村得米遲連旬多凍雨

來日乏晨炊誰道衡門下洋洋可藥饑毛詩箋樂饑作藥饑義與療同

閩邸抄知副相揆公奉 特旨予謚文端感賦一律

易名事大敢輕論忽聽綸褻下紫闈兩字克當何媿色九原可作詎孤恩本師

君不忘胡震用李贊皇集中事 受業人終笑孔璠却望寢門遙破涕借將朝典慰吟魂

小除日翁蘿軒見餉橙橘

鄉風稀魏歲遠信自當湖磊落承筐實紅黃照座隅偷嘗無婢妾繞膝有孫雛
計口分甘徧餘存逮老夫

己亥元旦二首 時余年七十

蚤梅殘雪散氛氳春色三分過半分以上日幾逢兼雨水 半月前立春今日交雨水中氣 吉占且

喜有風雲 史記天官書正月旦欲終日有雨有雲有風有日 閉門掃軌眠方穩絕塞傳烽耳怕聞歲事

推遷成舊物屠蘇又是六回醺 余歸田已六年

須髯皤然齒豁然杖鄉以後杖朝前所慚客拜長遲答若問吾車已蚤懸兄事

無人難諱老 一月前連喪榆村季方兩兄北史傅永常諱言老自稱六十九 養生有論笑希仙當前任放兒童

戲記得身騎竹馬年 白香山年七十有詩云大曆年中騎竹馬幾人得見會昌春

元宵家宴

冰雪經旬臥欣逢霽景澄不辜滄海月又點草堂燈酒力春寒退年光老態增
傳柑虛故事回首望觚稜

春分後五日雪

冬暖梅全落春寒柳未柔
淡天雲澹蔽埜雪浮浮
漸補茆茨缺微添石磧流
芒屨閒挂壁二月尙重裘

留硤川五日歸來牡丹盛開

不知人世有繁華春去渾如轆轤車
公道肯饒頭上髮吾生且看眼前花
風翻雨打無欄護日薄雲輕抵幕遮
贏得村鄰詫奇事麻姑又到蔡經家

風雨中自禾郡攜歸白紫二色芍藥芝田有詩索和次來韻

半月花情閱牡丹將離與展後期寬
兩叢買取淺深色一艇載將風雨寒
白髮衰翁羞獨對紫衣年少笑相看
多緣我相生分別可愛羊脂愛馬肝

七十生日德尹以詩五章爲壽次韻酬之

影與形俱步步隨兩情一味似兒時
未成學業年加長有限精神日就衰
削草舊存師授易余近輯玩辭集解半出黎洲先生象數論災梨新刻手編詩
齊甘荼苦從誰說我外唯

應爾得知

文瀾筆陣一時平勿問人間子墨卿
竹簟茅檐存晚計玉堂金殿話前生
達如

南郭原無偶痛比西河未喪明也與老萊同七十只除顏色不如嬰

蚤知老病合休官不謂居貧爾許難蟻穴隄防非一缺燕巢泥補取麤完時方修葺

屋宇盤登苦苜傷蔬沒出少陵詩園有甘蔗被竹彈沈休文有修竹彈甘蔗文萬事轉頭多失策

疆憑筋力與追驩

家門樂事人言少先後相尋賦遂初藥樹陰交扶杖立茶煙風遞隔牆居回思

壯日多岐路容易頽年共敝廬且喜手栽梨棗熟斷無荆棘待芟鋤

椿菌何分大小年多生緣境在雲泉慧輪靈運希成佛詭託曼都號斥仙求友

孰踰兄弟好貯書頗望子孫賢繞身笑指叢殘架個是先生二頃田

老友王子穎移家沈蕩遠來為余稱壽詩以謝之

太息同儕略喪亡天留一老作靈光己未夏集煢和堂者十人今唯子穎及余兄弟在耳豪情減後難忘

友宦業貧來易去鄉共研分燈論往事烹葵翦韭勸餘觴我如蒲柳君松柏七

十還輸八十疆王年八十一矣

端陽後四日盆荷花

老夫生日纔過二又向花前引一杯合被兒童傳好語去年六月未曾開

酬徐茶坪兼題其詩集次竹垞贈徐舊韻

余生值惡月微類繆占雀

用唐書崔信明傳中事

侵尋感耄及交舊久離索方當鐵化魚

忽訝玉抵鵲凌朝來信使剝啄扣門關猥煩徐佐卿遠致一隻鶴是時夏苦旱

村舍甚熏灼清風穆如至九鎖爲啓鑰好句滿緘封俄倒囊傾橐大雅世誰陳

斯人獨歌嘍擾龍作家畜遇虎以手搏豪健力所勝仰揮俯奚忤沂源杜韓氏

變化出槩矐其質儼陶匏其文匪粉腹羹鯖飽千巒湯茗快一淪幢高有精進

輪轉無退却長鳴得子和

謂思肖

又肯縻好爵足知造化爐金火謝外爍不爭屈

宋豔詎笑齊梁弱自我畦徑開傍誰樊籬託固宜與時背方枘難入鑿此就詩

論詩於焉得大略吾尤服其品拔俗高連連蚤成名進士官海恥涉脚問時年

幾何陸機初入洛行藏斷諸內韉鎖遽擺落厭踏巖城鼓愛聽蕭寺鐸掇第如

摘髭視官如棄葍

述庚辰春夏間君登第後事

却歸研經史心跡雙寂寞到今二十年嗜古

勤逾恪憶昔潛采翁

竹垞也

論文慎唯諾從君賞才藻昆友並淵博一孔一針投

有若絲在篋翁今宰木拱君復傷棟尊不有宿好敦晨星孰聯絡王楊數儕輩
 非曰乏富駱眼獨為余青書來篋刮膜何時浮震澤放棹下三箬傳柝聞魯邾
 計程殊閩貉佇待暑喝蠲微涼度疎箔閒攜石麟子過我履交錯滌除騷士悲
 披拂風人作尙欲丐餘波潤茲輟鮒涸敢云奏刀手薄技呈灑削棗梨甫被灾
 落葉費掃掠書來索余集時割劇初竣方在校勘譌字故云亂堆方丈室旁少一弓拓然而不自鄙顧
 哂子雲閣荷君附同調有味寄澹漠君豈終山林吾宜置邱壑長虞岐出處庶
 望互評泊相期覲面論雙鯢當對酌時以雙酒鯢見貽

苦旱行

祝融不卹為農苦晴過三旬竟無雨榨棒上水遠灌田日炙風吹變剛鹵幾家
 結伴還插秧秧針嫩綠旋旋黃千畦百隴仰灌溉河底行見輕塵揚君不聞潮
 聲撼塘岌岌殆外溢中乾兩相倍眼前勿作雲漢憂或恐桑田遂成海

苦熱吟

水如沸兮山如焚青天白日兮騰火雲兩師潛蹤兮風伯避爰有蠅蚋兮薨薨

成羣晨餐兮廢筋夜無眠兮徹曙半年傳舍兮三易官煩暑不隨兮酷吏去

時

邑署令將離任

吁嗟嘻若教暑退吏尙留兮二者相較其誰尤兮我吟苦熱熱猶可支

今世無涼土去此安歸兮

北史嘍噓國傳夏遷涼土冬逐暖處

抱膝圖贊 并敘

孔明抱膝隆中其志殆未易測史家謂其嘗自比管樂世遂以英豪目之

觀其誠子書云靜以修身儉以養德又云學欲靜也才欲學也多是聖賢

分上語豈屑以霸佐自命者哉許子純也性靜以儉有才而篤學命工寫

照以抱膝名圖吾知其所取固在此不在彼也因發其指而系以贊曰

聖賢之道與襍霸異孟卑管功孔小管器史官失職世降而季屈王佐才侔於

功利彼臥者龍孰窺涯涘當其抱膝悶如遯世泊乎遇主適會時至于焉致遠

於焉明志儒者之效章章如是我師古人得其大意繫惟神契非曰形似學崇

厥基才歷乎試是庸作贊拭目以俟

中元後復有江右之役吳尺鳧浣輪兄弟招同翁蘿軒章豈績楊東崖

柴陞升吳志尚成桂舟馬寒中家可亭飲繡谷軒席間多賦詩見送別

後寄答一首

新知舊好極纏綿唱鰲歌驪惜此筵漸老漸稀朋酒會忽晴忽雨早涼天身隨
筆墨為人役時白中丞招修江西通志影落江湖祇自憐霜雪滿頭閒未得五年三上富春

船

雨後發常山將抵玉山縣途中復遇大雨

一漑功無及三秋喘未蘇時浙東久旱暑猶未退官徵山縣賦戶減石田租樂土今何處

衰年復此塗油衣非瓦屋寧免載露濡

舟發玉山遇順風止挂半帆楊東崖有詩戲次原韻二首

留師今日奏奇功快意多生美滿中杜牧詩千帆美滿風此理乘除看爛熟上灘連遇石

尤風數日前阻風貌頭

碓牀夾岸湧盤渦電掣雷奔瞥眼過老怯風波吾已慣被君翻作半帆歌

過貴溪哭同年王辰幟

同年餘幾箇小別死生分老去常爲客重來又哭君
前過嚴州哭詹廉夫今又喪我辰幟政條留

邑乘歸櫬阻秦雲出拜多襁褓兒啼詎忍聞

水蛾嘆舟人云江湖間每八月此蟲出三日則止天所以資魚食也

我聞宵蛾赴火死今見飛飛晨赴水成羣百萬蔽江來江闊風高颺不起嗟爾
之生良已微捐軀適救魚鱉饑可憐水火均不免兩翼原來是禍機

中秋南昌書局對月限韻

又作殊方會牽牛昏正中客程千里外鄉語一尊同快讀新詩句
東崖疊韻詩即席先成

閒思舊桂叢愛眠辜好月莫笑白頭翁

白近薇中丞席上賦贈

衰遲重作豫章游直爲徵書禮聘優座上開尊傾北海花間懸榻下南州交情
到我真青眼事業如君尙黑頭共識此邦文獻古編摩須仗網羅求

雨中藩長許孝超年伯招飲紫薇堂

早從才子識高陽卅載通門綴末行花底清談銷積暑城頭片雨送新涼圖書

列屋開東壁絲竹留賓到後堂誰似先生風義古下車下榻兩難忘次君條侯

北京

與祁鶴亭臬長話舊

重來仍款款昔別悔匆匆遇我非今雨於君見古風閒能空訟牘雅喜接詩筒
慚媿相投句猶蒙記憶中

南昌李少峯明府見示詩刻題贈一首

作客逢仙吏投詩見楚材汗青千古事浮白一編開地遠蛟龍伏秋空鸚鵡來

同年有難弟末契託追陪

令兄詹山與余癸未同年詹山一作眉三

重陽前四日許藩長送鞠

開徑無黃菊敲門到白衣瓦盆親位置籬落有光輝時寓庭新設竹籬不礙看花晚偏

宜摘蕊稀重陽思共賞留取借書瓶是日兼餉酒

明日雨中祁臬長李南昌復送菊以詩索和

滿目皆秋色何煩冒雨尋自增幽谷趣不起故園心地主風流接生涯節序侵

懸知簿書暇亦未廢清吟

次鶴亭臬長重陽菊未開韻

風雨開緘引興長滿庭菊蕊尙含香詩逢高調難酬和人到中年易感傷

時鶴亭有

悼亡之感

未免有情成結習從來各種必遲芳題糕頌酒渾閒事添得連朝一段忙

重九喜晴偕諸子遊東湖百花洲得高字

初聞簷雨響蕭騷漸吐晴光散鬱陶萬事古來難逆料一年今日又登高城隅
宛轉黃沙岸檻外參差白雪濤講武亭空僧舍古幽清直覺勝江皋

再過憩雲菴訪心璧禪師得登字

川光雲影恣憑陵掌握猶餘佛面藤愛續清遊無外客閒追往事問南僧當筵
落帽狂何有踏屐尋詩老尙能世出世間同此樂太平時節報三登

白中丞曾禱雨於此

時兩公亭初成

是日李少峯劉敬臣兩明府復邀遊列岫亭再限重陽二字

良辰賢主兩難逢有約來聽郭外鐘古寺出門風浩浩晚山隔岸翠重重南飛

渚有隨陽鳥北走江如掉尾龍露白兼蒼遙極目知從何處采芙蓉

此閒名勝擅滕王別有孤亭著北岡題壁我留清氣味快晴天假好風光徑須

酪酏酬高會何必登臨定故鄉借取一鳴詩作結今朝第七十重陽末句用司空表聖成

語

後一日白近薇中丞招遊百花洲

琉璃凝碧寫金天擇勝攜觴此地偏賞接賓朋連九日恩加魚鳥及三年蓬壺

別境通花島簫鼓中流少畫船百度知君多舉廢眼前豈獨一亭然地為講武亭故址

題秋江返棹圖送心璧禪師歸廬山開先寺即次九日過訪韻

閣上留題記石凌巖頭已長到天藤師應勿拒重來客我亦曾為過去僧小劫

如風吹易過勝游似夢續難能撥開雲霧全身現誰謂匡廬不可登

兩公亭詩為白近薇中丞賦次鶴亭觀察原韻

後樂先憂視此亭誰施妙手繪丹青為霖預卜君臣契被澤旋教婦子寧大

有兩書傳列郡屢豐一頌徹形庭從今箕畢占長驗不用山川更乞靈

同諸子步至李紹津家看池上木芙蓉

不乘籃笨不扶筇步屨相將喜過從
一片秋光開老眼御書樓外看芙蓉
曲欄渾似野人家倒影盆池落綺霞
紅白淺深皆可意最憐渠是後開花
殘陽西墮月東升霜氣初消露氣蒸
座客微酣花亦醉不勝情態兩蒼騰
臨別殷勤又一杯半開時節勝全開
心知爛熳無多日日日閒須日日來

盆菊初開連朝苦雨移盆入室即事成詩

擔頭分得籬邊種繁蕊爭開四十窠
幸免後時霜凜冽難禁連日雨滂沱
高人避世今餘幾好友登堂儘愛多
珍重詩翁擡舉意莫教一老便成莎

不成莎

戴石屏詩菊花雖老

立冬日招李少峯偕寓中諸子賞菊限韻二首

自我來居此真成野老家編籬分井竈
啓戶納烟霞已涉初冬節還看九日花
勿辭開口笑白髮鬪霜華

逡巡初有待爛熳忽齊開似戀羈人住
兼邀好客來澹交論臭味薄設忝尊壘

相勸陶彭澤能無盡興回

大雨枕上作

狂飈裂紙牕徑入臥榻前吹萬豈可息我衰自無眠
寒燈澹孤光月落庭西偏却觀鼻端白一寂謝衆喧

殘菊

娟娟盆中花黃白各自好霜風一披拂甘作科上槁
人情委牆角枯菀孰相保我欲餐其英毋令儕庶草

聞鶴亭觀察陪白中丞西山行圍却寄二首

芻蕘雉兔與民同纔了農功纘武功見說山深無伏莽
滌場時節咏豳風急雪重裘九月寒塞山三度記隨
鑾須防見獵初心在矍鑠猶能起跨鞍

白中丞以御賜鹿條分餉賦謝二章

山莊地是古輿桓別展圍場千里寬白露節前行射鹿
丹楓林外想回鑾榮光遠自雲端下珍味原同席上看
奏使歸來傳異數似聞天語勸加餐

一味無私惠愛均黃封重疊荷分珍似憐白首羈樓客曾作青雲扈從臣尾割

紫瓊親拜

賜

元耶律楚材鹿尾詩
微香馥馥紫瓊漿

條烹紅玉又嘗新詩成却笑西川杜菜把

園官是主人

社工部園官詩云清晨送菜把長荷
地主恩蓋未嘗拜殿中丞之貶也

有感二首

齒豁頭童一禿翁依然自課比蒙童滄桑漸遠傳聞異文獻無徵感歎同論出

一時雖袞袞事關千古敢匆匆轉慚虛下陳蕃榻不作州民作寓公

自別家來倏九旬枯桑海水夢紛紜心銜清宦虛分俸頭責先生老賣文雨雪

欲衝千里返江湖只被一山分如何兄弟天南北不及隨行鴈有羣

久不得潤
木中州信

頗以
為念

瑞雪吟為白中丞六十壽

歲己亥冬建丑月臘尾春前十三日中丞周甲際斯晨萬里祥光飄玉屑滿城

霧淞呈奇卉拔地霜松挺高節孺子亭邊一片明元嬰閣外千重白中野頻來

集澤鴻豐年預卜連雲麥家家飽暖挾狐貂處處謳歌騰巷陌天然圖畫入屏

障此景難憑粉繪設瓊枝琪樹佳子弟水鑑冰壺好顏色眼前無物可容塵世上何人堪比潔肝腸如此天所鑒公豈自誇人盡識野夫今年年七十來作南州老賓客擬披鶴氅去登堂快與先生吟瑞雪

立春前三日南昌李明府送春牛至口占四絕句

滿城積雪尚堆堆半月堅冰未肯開忽漫雪消冰盡釋門前簫鼓送春來

青角烏牛白作唇勾芒中立與鞭春

李涪刊誤云月令出土牛以示農耕之早晚其年立春在十二月晦則策牛人當中

立春在正月望則策牛人在後

硯田別有耕犂叟已是年開八秩人

年開第八秩香山七十一歲詩句也

也擬看春出曳筇怕人笑我太龍鍾不知柳色東郊路再得餘年幾度逢眼前物換又星移爲報風流邑宰知印鎖未開閒趁取急傳箋遞送寒詩

立春日楊東崖次前韻四首屬余再疊

敗筆叢書擁作堆閒門除雪徑初開村夫子舍了無事大似殘冬放學來

風光劍首劇吹唇白髮平分一半春三十五年真大夢陳人猶自作勞人

甲子春余

客此今三十五年矣

支屏不出廢支筇隨分鄰沽呷兩鍾細檢曆元重記日立春甲子幾曾逢
擊鉢聲中漏乍移燈花未卜已先知打乖近得堯夫訣傳取羊何論卷詩

人日喜辜孝廉會可至即次去年初入書局原韻

白須紅頰氣橫秋入座爭輸第一籌勝裏有花如送喜眼前唯醉可銷愁新年

未爽尋梅約好友何煩出谷求廊廟山林俱分定勸君莫作杞人憂時聞西陸將出師原

作有江湖時有廟堂憂之句故云

七夕陪白近薇中丞滄浪亭燈宴

湖亭佳處郭東偏元夕剛逢雨霽天碧浪影翻空際月紅雲光拔火中蓮開成

爛熳千枝豔散作溟濛萬井烟共識與民同樂意滿城簫鼓卜豐年

傷李氏外孫朝英

六歲初從傅居然骨骸成見人知禮數憐汝太聰明殤後嗟無服悲來劇有情

可堪遲莫眼灑泪為彌甥

屋漏詩戲次陳搖上楊東崖唱酬韻

昔漏恆在雨今漏乃在雪雪來絮飄搖雪止汁淋瀝居停同露宿夢作載胥溺
寧煩中流壺賴有中唐璧家僮習承雷仰面工伺敵一瀉如懸河餘聲猶點滴

哭李壻場谷二首

明珠乍失掌中珍一慟寧知竟殞身生怕迴腸唯弱女死難瞑目為重親短長
夢欠從前債露電光銷過去因盡賣琴書供薄殮世家誰信本來貧
頭白歸來所向窮哭兒哭壻六年中每因小別愁余病豈料重來送汝終事到
傷心難自遣天留望眼頓成空分明識得泥洹路何取人間作老翁

傳經圖詩柴陞升屬賦

自從科詔興六籍傍注脚先生玉為律子弟珠在握修畛接蓄奮連楹開講幄
主張三尺喙出入四寸學九牛羣附毛五鹿罕折角可憐遺經在例取東高閣
前聖多微言斯人孰先覺柴生名父子雅慕過庭樂淵源想授受俗筆恥輕搦
向來逐時趨有力不如犖回思巾笥業至味餘香穉髻鬢圖畫中梓材勤樸斲
人生不朽名豈必一第擢舉場雖云淹世澤優且渥傳家庶無忝作計良已慤

我亦章句儒詩成有餘作

白近薇中丞招遊廬山信宿秀峯寺得詩四首

開府香山後匡廬洵有緣官雖膺節鉞性自愛雲泉騶騎行長減齋壇禮必虔
每逢三月節來此祝 堯年

御扁名新換山門向不移法雲開麗刹佛日獻晨曦賓客蓮花幕郎君瓊樹枝
不嫌衰賤跡兼與野人期

舊識金繩路重參玉版禪却從扶杖日數到入山年壬申八月余游開先心壁禪師亦於是歲十月來主

法席今二十九矣白社名相亞靈峯會儼然所慚根器鈍得道讓兄先心公長余一歲禮當稱師兄

玉峽挂雙龍飛來自半空風雲聲忽合山澤氣常通法乳流相續僧庖給不窮

漱牙還洗眼兩度記衰翁

過萬山寺有懷熙怡長老

我愛熙怡叟對人雙耳聾重來門徑改久坐影堂空雲氣微茫外湖光隱見中
萬杉何處是憂憂但松風

重憇棲賢寺有懷角子禪師

再到棲賢寺蒼涼憶角師
雨中煩設榻燈下對論詩
存歿初難料興衰各有時
袈裟來揖客舊識小沙彌

恭謁白鹿書院

五百僧房外巋然一講堂
曾蒙君子教湯惕菴前輩似到聖人鄉
六代詩書澤

千秋翰墨光大成殿懸御書扁額對聯老思歸宿地端合掃門牆

舟發南康不及過圓通寺聞老衲杲庵年八十餘精力尚如故以詩寄

之

名僧多示寂壬申秋住持東林曰宗雷西林曰宗魯大林曰同如騰爾古須眉

夢想曾遊處亭憐夜話時圓通寺夜話亭歐陽公與居衲故蹟也此身俱向老再見恐難期石畔

逢圓澤三生未可知

星子毛明府餉廬山新茶

山中摘得火前春箬籠分嘗味取新我苦校書君作吏暫時相對作閒人

答湯碩人見投三章次原韻

南豐湯仲子投我好篇章世講久彌篤交情淡故長探懷餘漫刺入坐接清光
翻惜相逢晚須眉各老蒼

此地論文獻君家一老泉富留書萬卷貧守屋三椽宦業鄉人諱儒風令子傳
滄桑多少事援筆意茫然

世味酸鹹外才名出處中追游憐雨散持論戒雷同冉冉年垂暮栖栖道豈窮
數行相慰藉別後見深衷

題李次侯太守小照

白沙翠竹曾題句

十八年前為司農公
題白沙翠竹江村圖

當日將君比鳳雛八十年來留望眼重

看老蚌出雙珠

圖中兩郎君
侍立左右

題亡壻李暘谷小像

跡弛之才馴良之德何以馭之勿盡其力

解一

人間逸足一日千里勗哉十駕終

期至止

解二

昂昂家駒觀游泮渙齒雖加長塗未及半

解三

吁嗟殞矣神理則那式

瞻遺挂傷如之何四解

題朱莠園勸菜圖

食肉何當更食魚算來無味比園蔬勸君勤把金鴉觜種後工夫尙費鋤

南昌客舍贈別及門樓敬思赴廣州理謠同知任

劉髯名諸生才氣壓流輩曾攜一尺管出入三殿內憶昨直武英纂修端汝賴

囊錐看脫穎萬里宰苗寨

初任粵西靈川縣

手掃烏白蠻如鉏薶草艾屬韃偶然事竟

以功奏最邂逅兩中丞

陳乾齋楊天爵

薦剡趣入

召對

至尊記名姓寮案增盼睐去

日雪灑浮來時浪澎湃南州重見面歡喜出意外告別乞贈言行赴五羊倅官

非百夫長顧領弓刀隊公然專城居唯諾視進退謠兮亦民耳在宥託覆載牧

之則牛羊櫻之則蜂蠆皇天本好生赤子彼何罪使君來撫字茲理諒不昧男

兒屬有才官職大可耐守身等藏器況乃高堂在三年詎久淹典郡屈指待子

壯我衰頽後期恐難再殷勤效苦語凡百幸自愛

陸聚綏楊東崖自豫章歸應本省鄉試口占一律贈行

西陵來往渡南浦別離筵得路寧論晚同舟況是仙陸應慚顧後楊肯讓盧前
倚賴秋風便佳音望蚤傳

周子象益竹垞先生外孫也將歸索句贈以二章

醜舫

竹垞齋名

流風在名家世孰如魏舒真宅相王粲且傳書雅量能容衆清言足
起予搏扶看直上無分借吹嘘

學力君加富年顏我就衰江天星復散人世首重回會合知何日殷勤盡此杯
應憐歸未得一老尙風埃

中伏日題瑞金楊季重秀才深隴梅花圖二首

我昨曾遊大庾嶺梅花臆月已全開君家想在畫邊住那不叩門衝雪來
矮屋疎籬曲曲通何來一陣過溪風人間炎熱無處避好入先生詩句中

七月二日大雨

昨日日蝕今日雨陰陽氣候迥不同九津怒漲北流水一榻快受西來風威挾
雷霆尋丈外氣蘇草木須臾中牀頭有酒且獨酌不覺連醕瓶爲空

白中丞內擢少司農以述懷詩索和次原韻疊成四章兼以奉送

西江清望冠羣倫 帝眷寧容遽乞身公時引疾奏請辭職奉特旨內陞 及見仁風翔率土洵

知直道在斯民時方入闈士子皆不肯赴試意在攀轅也 分頒條教家家奉入告封章字字真漫說

武陽遺愛古何如今日滿江津

善政年來次第陳先憂後樂總關身波濤脫險便商旅雨露流膏徧士民功被

千秋心轉細碑傳萬口語皆真賸留一事逡巡在未濬三湖及九津公嘗欲開豫章溝以

蓄洩東湖之水故及之

出膺旄節入垂紳遠近同歸祇潔身地重何妨卿是貳風清尤喜部稱民匡時

有道持孤介報 國無慚任一真貪把新詩再三讀篇終餘味尚津津

南來小住俄經歲萬卷堆中寄此身下榻久欣依地主僑居直欲作州民雲泥

相望殊懸絕筆札時傳恕率真怪得臨分猶戀戀白頭無望客中津時志局告竣余亦將

歸矣

讀易至噬嗑適德尹以黃芽菜見餉戲拈一首

噬肉何煩滅鼻爲，頤中有物好觀頤。齒牙落後剛難克，舌在差於軟美宜。

客江西踰年歸來庭花盡萎惟紅梅一樹無恙徘徊其下偶成一律

百卉全搖落孤標省見稀，鬪筇枝並瘦刮目蕊添肥。去作經年別來如度嶺歸，從渠開早暮與驗發生機。

臘寒

澤國愁冬旱茅齋閉積陰，臘前雷忽奮歲杪雪方深。半月前雷交作苦竹叢相亞疎

梅冷不禁負暄宜，野老人有向陽心。

敬業堂詩續集卷一

敬業堂詩續集卷二

海寧 查慎行 悔餘

漫與集下 起辛丑正月盡 壬寅十二月

辛丑元日用數目字口占八句

吾生七秩又加二五老今為最老夫 同宗五人之會 余年居長 兄弟四人三並宅兒孫八輩

半將雞從歸田後九年矣自反胸中一事無幸戴堯天逢再閨龍飛六十效嵩

呼

題女史陳書畫松

蒼顏白甲之而拏攬振五鬣兮三針瀉長風兮一壑人稱矯矯之龍自比亭亭之鶴噫世無張璪與畢宏乃令閨中女士為汝填丹青

八日立春德尹招同諸弟小飲

纔過人日恰逢春隔宿招邀及令辰臘雪消檐呈獸瓦凍醪吹琰起魚鱗追躡夢忽踰三載 榆村季方兩兄歿於戊戌之冬此會久疎矣 門健天猶賸五人一事能無嗴過分華燈

不稱在家貧

時潤木自洛
中寄燈至

驚蟄前二日偕寒中德尹西阡探梅

夜聞枕底殷殷雷曉約酒伴尋春來流雲欲釀社翁兩驚蟄尚慳人日梅南枝
北枝渾未動一朵兩朵俄先開婆婆其下索共笑頭白更何煩汝催

後七日曾三弟招同諸弟再過西阡看梅歸飲其齋中續成一首

耀眼千頭與萬頭十分可有一分留但逢酒熟邀同醉不遣花開悵獨游老至
幾曾辜節物頻來直爲近松楸杖端攜得苔枝去趁取燈前爛漫酬

雨中得川法師攜新詩見示兼謀及卓庵地因次東林講席韻贈之

吟興吾全減煩師爲鼓宮病堅持戒力閒得念經功有路宜防滑無塵可礙空
一瓶兼一鉢萬事付痴聾

春寒

臘雪兼春雪春寒甚臘寒池冰開復結野服袂如單啓戶憐羣蟄移盆誤蚤蘭
靜中諳物變應得後時看

○月十二日喜得曾孫長齡詩以志之二首

昔作京華客曾傳孟浪言

數年前友人至京師傳余已得曾孫及接家信乃曾孫女也

十年留望眼今日慰

衰門所幸男非女誰為祖抱孫同堂湯餅會老淚暗添痕

傷大兒也

鬢鬢何須鑷孫枝又茁庭渾忘吾短景且祝汝長齡仍世慚黃甲他年免白丁

方岳石孫受命詩得免白丁奚啻足

留傳窮事業十葉有專經

予家自大理公而下衣冠凡十世矣

黃梅無雨嘆

舍南舍北單鳩鳴入梅入時一月晴蘊隆蟲蟲地欲裂日出杲杲天無情人間

只有為農苦天且不憐誰恤汝踏車時節亟催科敲朴聲中泪成雨

吳郡志吳人以芒種

日謂之入梅後十五日謂之入時

夏夜

星火乍明滅螢光入檻流近來渾少睡夏夜長於秋

久旱田禾多被蟲蝕鄰翁來告紀之以詩

氣羸滋百膳

毛詩箋螟膳之屬四蟲感陽氣羸則生月旱魃爾何驕赤壤沙泉今百膳時起是陽行而生陽感則蟲起也

旱魃爾何驕赤壤沙泉

涸青天野火燒憑誰祈好雨無力救良苗亦有憂時意徒歌漫作謠

佛抱入泮名基德尹長子也

屬望無窮在員纔弟子充禮應加冠字年甫及成童弓冶名家後門閭喜氣中
向憐生校晚猶足慰而翁

立秋

閏六月十六日

半年分節序兩月度炎曦天到涼生候人如病起時斬藤蘇老樹引蔓上枯籬
稍悟栽培理勞生未敢辭

遣悶五首

蕪荒十畝田活計聽兒輩老翁無外事灑掃此庭內庭前手蒔花旱久仰一漑
一漑力尙能求多非所逮

葵藿知傾陽牽牛故自匿秋來常早起及此好顏色引蔓爾許長敷榮憐頃刻
人生亦朝露乃復爲太息

布幔設多年與人拒炎威狂風忽吹裂屋角颺酒旗迨茲暑將徂補綴聊撐支

有情戀故物何必遽改爲

達道吾未能課孫比課子隔牆催上學初日漏牕紙雷霆夜來過似鬪牀下蟻
惟有讀書聲琅然偏入耳

涉世已七旬勞形非一徑當時快意處衰退多成病吾衰吾病宜壯健時豈更
醫無奪胎法勿藥羸安命

禱雨辭

康熙歲辛丑閏厄六月杪五行火息水金氣鑠原燎號萬性不齊可憐羣就燥

焚如到松竹况乃灌漑草毛詩傳童梁非灌漑之草得水則病薪醮等摧殘庖廚助煎爨井枯池

亦竭是處開龜兆瓢飲且維艱腹枵詎易飽苗田溥斯害立作棲苴槁民病思

下泉吏才貪上考方徵晉陽絲肯藉琅瑯稻吾寧忍聽睹獨臥憂悄悄巷北走

里巫門前來野老紛然聚其族愁嘆際昏曉或云堯湯年七旱九水潦周官列

荒政六祝五曰禱村中有神社裡自唐宋肇曷不往乞靈庶登稼穡寶杖藜隨

伴出趁此星月皎敢辭衣涉露翻覺沾溼好古廟散羣鴉荒庭無汎掃片香倉

卒炷觀徹星象表土偶了不聞吁嗟向晴昊天門誅蕩蕩赤日仍杲杲感應理
豈無祈年或宜早況聞兵猶火旱實兵所召不見閩海疆燧烟接窮島出車當
此際虎旅正南討兩邦封壤連免幸輓輸擾平情易地校擇禍此猶小歸各語
兒孫家貧善自保世界苦人多豐年古來少

結二句皆用唐人成語

勤荒詞

稻根攣縮稻葉焦宿田稂莠方驕驕農夫告荒乞申愬踏勘翻逢官長怒催科
之吏晨下鄉田今如此何云荒直須野無青草木黃落始信天殃魘行虐

七月杪雨二首

亢旱經三月農占候畢箕田間苗槁後天上雨來時偏漑雖無補為災未可知

左傳自十月不雨至於五月不曰旱不為災也昨聞邑令勤荒而不報災故云眼前瓢飲足相勸忍朝飢

用盡耕耘力云誰憫作勞老夫憂灌灌赤子訴嗷嗷直怕禾無種上非關土不

毛但看稊與稗得雨尚能高

聞制府滿島山同年恢復臺灣郡縣馳詩遙賀五十韻

甌粵梯航路宗臣帶礪盟十年開大府萬里寄長城地重綏猷遠天高伏莽清
鯨鯢安有截蛟鱷靜無驚近置臺灣郡仍沿海上名荷蘭初窟穴日本繼兼并
古未通中國今方列外瀛漳泉資扞禦羅鳳拓屯耕畝稅登諸社郵籤紀十更
官從遷轉便商視去來輕守土非憑險浮家慣逐羸 盛朝當遠馭小腆忽潛
萌側聽妖氛起懸知羽檄橫厥初傳警急其勢劇猙獰劫庫俄焚署擐旗遂斫
營羣呼烏易合岵負虎難撻推赤虞懷毒藏姦慮沸羹黠雖同鼠竊貪或甚狼
爭卽事歸經略何顏敢抗衡大都逋藪澤不異聚山棚幸可鞭箠及寧容癘疥
生撤烽宵拜疏傳箭曉提兵詎待師中命方專閩外征廈門移玉帳浪島接金
鉦風雨來馳驟雲雷動滿盈謀猷元老壯紀律丈人貞勦撫宜兼用恩威在並
行蠱應周後甲巽必戒先庚銷鑠熇蒸氣宣揚赫濯聲熊羆供臂指金石貫精
誠遣將符分竹潛軍木渡罌登厓持赤幟映水載青旌餘勇收番舶前茅破啄
評竟褫關白魄那免夙沙烹束縛駢頭至枝梧一足釐乞降殊慘澹積困失趨
趨立見屍填壑毋須觀築京搗巢腥滌蕩奏凱日清明鋒鏑兒童避壺漿父老

迎別甄功罪吏招復版圖氓六月戎車飭三秋賊壘平踰旬除襖偷尅日掃欃
槍師貴神而速功惟斷乃成東漸敷 聖澤南顧慰 皇情優詔便蕃錫 殊
恩委任榮墨纒煩視事華袞重留卿坐握中台節歸影上相纓雲臺星象列麟
閣畫圖呈公自修文德人皆賀武英誰操燕許筆好勒鼎鐘銘

重過青芝山展座主徐公墓

再入青芝路佳城四望開伏龍延地脈馴鹿護松栽兩世恩加厚

公子大司空亦奉新綸予

祭葬故云千秋首重迴老餘門下士知得幾回來

題武進楊笠乘孝廉詩卷二首

少陵上下古今意多在成都十一篇

杜集中戲為六絕及解悶五首皆在成都時作元裕之論詩三十章做此

愛爾

論詩續元後不曾餘瀋拾前賢

都序誰能重太沖賞奇兼恐乏司空還君行卷為君嘆可惜不逢潛采翁

謂竹垞也

時楊乞序故云

題陳崑發九還圖

陳生示我九還圖丹青妙絕神與俱鏡中有花水有月湛湛之體如太虛三身
一性塵無惹離相方能超般若畫中看畫孰爲真形外寓形多是假老夫好佛
不希仙著句殊非蠟脚禪觀色觀空空卽色與生同證大羅天

沈仁山送菊

閒居愛重九斟酌吾誰與一棹赴嘉招對花兼命侶重陽前一日荷招飲昨爲芳圃客今
作柴籬主也擬續前遊臨觴愁獨舉時沈方止酒

食蟹有感

稗是荒田稻民間敢告飢無腸憐若輩多足自能肥抱朴子無腸公子蟹也楊子一蟹郭索注云多足貌

德尹梓樹橋新居落成詩四章

喜聞成室在斯朝淡水塘東第二橋咸淳臨安志鹽官縣有淡塘卽今水塘也義取去塵兼近市易說

卦疏爲白取其風吹去塵爲近市取其木生蕃盛聲傳伐木似遷喬粗營別墅三間足只隔西阡百步

遙指點小時遊釣處幾人白髮伴漁樵

同居同爨原初志莫問陶庵與邵庵用虞伯生兄弟事宅買一千鄰百萬謂曾三芝田山環

東北戶西南吹來隔岸畦風好汲處通泉井味甘我比斯干還善頌不生女子
但生男

晨霏暮靄接氤氳邾魯聲從擊柝聞三里詎同千里遠子瞻與子由詩有不雨見便同千里遠之句

家初自一家分子孫賢必師吾儉童僕頑須策以勤聽取王襄申後約力將灑

掃代耕耘

梓材自昔宜丹牖得地今堪里巷誇三徑垂成先補樹十年作計勝栽花肯堂

肯構情相屬為瑟為琴事豈賒從此老兄長蓄眼莫教桐樹讓韓家宋人稱韓子華兄弟

為桐樹韓家

第七孫生戲作洗兒詩

家門為祖難辭老人世生男不厭多祝汝長成無別法小名端合喚僧哥歐陽永叔

家小兒有名僧哥者一長老在坐戲謂曰公不重佛何取此名公笑曰人家小兒要易長育往往借賤物為小名如狗羊犬馬之類是也聞者絕倒

題雙松晚翠樓圖為毗陵莊仿鶴封君八十雙壽

八十年前十八公當時手植今成龍畫師畫龍非畫松墨光散作雲蓬蓬仙山

如雲凡幾重雲開日出露兩峯丈人卓立碩且豐天姥娟秀排芙蓉其下雙幹
爭相雄蟠根厚地靈氣鍾茯苓雪白琥珀紅倒拔千尺摩蒼穹樓居乃在翠蓋

中何來巢鶴鳴向風此聲不與凡聲同殷勤寄入瓊瑤宮

李義山畫松詩
路入瓊瑤宮

徐茶坪題拙集見寄四絕書來索和戲次原韻

吟癡符比和凝集

王伯厚云和凝有集百卷自鏤板
行世此顏之推所謂吟癡符也

敢望人傳入藝林土炭自

慚殊少味可堪分啗與知音

用柳子厚答
崔黯書中意

及記雲藍詠舊聯近從吳體得新篇玉溪才藻世無匹降格如何擬下賢

年少楊郎有舅風句如彊敵體兼工

今甥楊笠乘
亦有詩見寄

此心相醉不在酒氣味清于

象鼻筍

一犁歸老傷時晚四海論交笑眼空輸爾得名三十載頭今未白蚤稱翁

吞金吟為烈婦葛曹氏作

之死以自誓義惟殉藁砧如松無改節匪石豈轉心萬古有長暮千秋方自今

誰編烈婦傳采我吞金吟

周柯雲以詩索酒戲答之

白墮成烏有

用章子厚送酒事

青蚨化子虛杯乾重九後

以上四句僕自謂

無酒

誰酤我空函好報渠乞漿須在酉

古語云太歲在酉乞漿得酒今逢儉歲似非其時

檢曆問何如

以薄酒一罇貽柯雲聞其有和詩三章而不具寄意蓋嫌少也再作此

調之

賣菜多求益為君酌損之一罇供卯飲半醉聽晨炊得隴宜知足將詩博解頤

木瓜期永好投我勿遲遲

懷姪紹

聞汝攜妻櫃辭親自北旋荒涼傳旅食

時山左荒旱

迢遞趁租船野燒千林斷河冰

十月堅可無書一紙安穩報殘年

喜雪二首

雲氣低迷海氣昏窮陰連日暗孤村兒童起報夜來雪九十九峯齊到門

家家茅舍爨無烟何法商量救目前鴉鵲啄泥蝗入地好從來歲望豐年

再過當湖喜晤翁蘿軒

無事能相憶扁舟兩詣門
秋田經夏嘆冬日就春溫
身健長如此官貧且勿論
別中安慰意各喜得曾孫

蘿軒屬題仗節渡海圖

浮山來自東海東合羅爲一羅羣
峯中有仙人五色蜺奉使遠赴蓬萊宮
下視古珠崖浩浩積水空乘槎客星天上落
文光南射杼長虹飛飛報海神正直能感通
神之來兮蜺以告百匝旋繞官艨艟高桅枝
亞樽桑紅前驅蛟鱷逃魚龍坎男平展一泓水
巽女順效三更風須臾歛渡五百里自我往矣歸來同回頭
却望九州外際天一氣青濛濛繪圖兼題詩詩好畫亦工爲君展畫揩雙瞳
濛濛形開栩栩中昔遊非夢恍如夢此境試叩蒙莊翁

賑飢謠

官倉徵去粒粒珠兩斛米充一斛輸
官倉發來半糶穀一石纔春五斗粟
然糠襍秕責淖糜役胥自飽民自飢
吁嗟乎眼前豈無樂國與樂土不如成羣去作

倉中鼠

兀坐吟效香山體

聵者視惟明盲者聽必聰兩官互為用缺陷相彌縫今我殊不然眼暗耳復聾
無聞亦無見兀坐成癡翁逝將塞其兌毋勦說雷同作詩以自箴庶免尚口窮

兩月來連送荊州季方兩兄及聲山姪葬感賦

吾宗衰已甚窳窳復連旬賸得扶藜手頻為執紼人
幾點將乾淚偏傷後死神

潤木陞學士

初傳當換秩京堂員缺第方列各引見隻日忽宣麻唐制學士院於隻日宣麻冷署官仍達空囊俸稍加

一門岐出處二老謂余與德尹借光華人指東西屋多稱學士家

七十三吟壬寅元日作

白髮高堂咲語參滿卮春色進黃甘雞聲驚起兒時夢五十年前二十三夜夢先

父母在堂兒孫羣奉觴上壽醒而追憶五十年前先
安人見背余時年纔二十三恰合詹義成語遂借用之

憶在武英春殿裏五更冰雪趁朝參而今日晏猶高枕花甲周來又十三余年六十

奉旨領
武英書局

送春簫鼓到城南詩被催成酒半酣此景回頭如昨日年開八秩已加三己亥冬客

南昌荅李明府送春牛詩有硯田別
有耕犁叟已是年開八秩時之句

我咲山陰老學菴閒中往往好高談隔年甫乞宮祠祿又嘆窮愁七十三陸放翁年

七十二再乞領宮祠其詩云七十人言自古稀我今過二未全衰明年又
作七十三險則云髮無可白方為老酒不能賒始是貧何前後自相戾也

三杖篇并序

癸巳夏將出都揆副相自塞外寄送赤藤借山上人亦以桃枝贈別乙未

春客遊三山老友林同人復貽櫻竹一條先後有詩報謝自爾家居無事

日常摩娑間一出戶必攜以自隨因成長短句一章世出世間同心無幾

感茲故物久與周旋遠銜故舊之情近資將伯之助老懷棖觸不覺言之

長也

文端揆公遠寄七尺藤瘦筋入骨堅稜稜林翁近貽一尋竹肌理年深滑如玉

紅椒所贈材稍慳稱意亦復輕而園初白庵中幽獨叟叟一杖三成四友平生
 遊好凡幾輩及此衰遲誰耐久自從得三杖重結物外緣導前行徐徐顧影來
 翩翩不傷世尊面不倚洪崖肩不化葛陂龍不參八棒十三禪入我左右手不
 計於國於鄉年有時課農桑卓立古路邊有時問酒家高挂阮修錢有時步簷
 看牛斗有時曳向柴荆前有時登臨試脚力扶持直止青山顛有時用其一更
 番出入循環然有時一不用舍則藏耳非棄捐人皆嫌我懶爾乃周旋護其短
 人皆嗤我迂爾胡步步趨亦趨杖兮杖兮爾之三身兮本一身釋典以法報自
應為三身
 天作合兮非無因吾方愛爾如弟昆兮親爾如子孫何有乎管鮑兮何有乎雷
 陳彼四海九州之人兮又何勞履我卽而過我門同年皆四海九州
之人語本昌黎
 正月十日赴曾三之招偕諸弟西阡看梅

好是花期卜復更前四日見邀
為雨雪所阻花光照雪眼尤明禁當臘底連旬凍報答春來

兩日晴人事過年多變態天工於我豈無情肩隨諸弟頭皆白又作山前一隊

行

席間戲嘲德尹

合與寒梅作主人花時往往亦稱賓東家酒熟西家醉卜宅方知為卜鄰德尹新居

西去會三纜
數十武故云

元夕招諸弟小飲二首

數數貪相見寥寥數索居為歡宜卜夜隔宿費傳書歲儉稀村鼓園荒賸野蔬

勸餐殊少味亥日也無魚香山詩亥日沙頭始賣魚今從市中覓鮮鱗不可得故云

海國春長晦山堂冷欲冰一尊元夕酒幾盞舊年燈取樂非絲竹披懷勝友朋

薄雲如作意相送月微升

驚蟄前一夕大雪壓折庭梅一桮

驚蟄庭梅發方當爛熳期橫遭連夜雪壓折近窗枝枯苑原關數猗儻詎有知

老翁為蚤起惆悵獨移時

送沈麟洲之任文昌兼懷同年盧仲山及門孫洪九時盧宰臨高孫宰

瓊山皆文昌鄰邑也二首

去國資裝儉嚴程里數長初為乘傳客舊是校書郎碧海無瘴生黎峒有香

故知非俗吏改邑領文昌

沈於武英書局議敘初掣茂名改授今邑

交遊多遠宦往往隔音塵復此臨岐路因之憶故人京華送孫楚江閣別盧綸

不附書相寄為言嬾是真

次韻屠艾山中丞閱吾邑塘工紀事四首昔少陵和次山春陵行而不

寄元竊仿其意聊志築塘始末沐膏澤而詠勤苦草野之情自不能已

也

重聞海底出桑田拯溺心勞豈偶然土本無情能尅水人今有力可回天行看

瀉鹵同剛鹵時至前賢讓後賢從使鹽塘堅似鐵

咸淳臨安志鹽官縣有鹽塘即海塘也

一城何

止萬家全

隄石頽林徧井閭剝膚長恐化為魚但祈河伯薪相屬或覬陽侯射可祛

前此有用

築河隄法課民間出蘆葦及遣術士射潮者

下策隄防多類此頻年畚鍤最憐渠賴君來砥中流柱

歲晚方休力役車

雲夢寧論八九吞，閒憑里老慰驚魂。身隨汨出餘生幸，眼見塵揚有數存。萬竈騰烟迷黑白，二儀噓氣判清渾。蛟鼉遠徙鳧鷖樂，汎渚眠沙比在壘。

漁帆樵舶任西東，夕汐朝潮兩信通。龕赭鎖江收牡鑰，塌尖綿岸吐雄虹。幾人築室如謀道，他日為輪效轉蓬。千古隨刊歸禹蹟，未聞海外奏神功。

德尹自新居乍歸，復有吳行朝來偶過補屋，辛夸方花口占一律招芝。

田弟小飲

主人昨日返先廬，冒雨連宵又入吳。乙鳥不巢書屋冷，辛夸自葺海棠枯。庭前舊有

海棠一本今萎矣 賸留寂寞娛詩老，那免顛狂憶酒徒。小摘畦蔬供薄醉，眼前有景肯

教事

喜韓自為過訪村居

吳興前輩盡尊甫子蓮先生及座主徐蘋村先生，海角故交疎。豈意停歸櫂，猶煩訪敝廬。采詩千

載後自為有近詩兼之選，話舊廿年餘。村野無供給，非君孰諒余。

雨中牡丹戲作吳體

錦帷錦幃貧家無風雨故來侵汝膚半黏半落袖上唾一瀉一斛懷中珠為誰
含咲忽成泣向我低垂可要扶安得南唐名畫手調丹與寫沒骨圖

楊致軒命工寫補衲圖自題四絕句大低皆寓言初白老人不欲一語

道破贈以六言四偈拈華微咲正不必從大眾索解也

偏仄藕絲針孔直從古古到今還珠誰開左手補衲自貯苦心

情難校銖輕重口戒言雖有無待赴投鍼機會耐加磨杵工夫

隨身不挂寸絲傳法纔留一縷本來無縫天衣忍說西穿東補

去且打包行脚歸當縛律坐禪金粟影中頭面木犀香裏因緣

題沈房仲所藏湯少宰西厓畫卷二首

淋漓五株樹墨氣互瀆薄試問輞川翁何須着邱壑

人人讀公詩惜少見公畫我今領其趣妙豈在詩外

時公子良耜以少宰詩集屬校閱故云

罌粟花

投種記中秋向榮及初夏閱時嫌汝久開眼迨我暇穀雨初過旬牡丹已前謝

繁葩相繼發紅紫弄嬌妍轉瞬三日中流光激如射紛紛豔質委一一青房亞
感此花得名象形出假借罌儲能幾許囊括乃無罅亦名米囊自從去年旱穀貴吁

可怕野人方忍饑望爾甚望稼謀生遠遠慮是物貪速化少待粟粒成石鉢付
碾研煎熬比牛乳何有乎燔炙撐腸或無力養胃庶有藉以上六句煎罌粟湯法見蘇子由藥苗詩

中此法勿輕傳吾將高索價

初夏連雨獨酌

夜倒茶糜架朝翻芍藥叢只消三日雨又過一番風春事眼看盡芳樽誰與同

朱櫻青豆莢問我忝鄰翁

喜晴

麥壠風來煮繭香桑疇雨過熟梅黃好花辭蒂半成土新筍放梢齊出牆習嬾
連朝忘盥櫛為鄰幾戶返流亡曝書曬藥吾生事也逐田家四月忙

閒中觀龜竈作窠惡其顯設禡機而憐飛蟲之不知避也感嘆成十四

韻

長踦蠪蝥族天生性不廉醜形蟠爾腹毒網匝吾簷一目初抽繭千絲乍滿奩
團團行小磨細細織疎簾巧自星邊乞身長屋角潛女工偷緯經去軍法竊韜
鈐意阱方施設心兵孰戒巖蟻蠓穿孔礙蜂蝶被藕黏竟少周防智能無掩襲
嫌此難逃越喙彼或遇羅鉗有命胥愁觸靡求不取兼福憐飛處召貪問幾時
厭物類多相賊生機豈盡殲微吟聊託興卽事感旁規

次韻同年李眉三南昌署中見懷之作兼寄令弟少峯明府

瓊林一會散如煙官職才名孰兩全閒却種花栽錦手眉三曾宰江都今去官好題濯錦

浣花箋戲用韓浦兄弟事聞君唱和成新集使我低徊憶往年安得因風生羽翼難兄

難弟共盤旋

得泉法師自徑山歸以茶筍見餉戲答一偈

茗柯實理能悟玉版新參孰偕何福消磨清供爲師二十九齋吳仁璧詩二十九齋餘日在請

君相伴
醉如泥

小暑勸農辭

兩旬赤日過平 黃梅稻針渴水田生埃人情方憂去年魃天意突回小暑雷農占

云小暑一聲雷倒轉 披蓑走勸耕稷侶斗柄指丁宜藝黍四方水旱吾不知近

與村鄰紀晴雨淮南子夏至加十五日斗指丁則小暑

送楊致軒赴淮上並簡總河尚書陳滄洲

營生畎畝中外事百不知夜枕來好雨晨興課耕蓄有客將出門扁舟過我辭

云當謁父執遙沂清江湄似聞淮黃交海道廢不治上流漸填淤漕粟行遲遲

去冬數萬艘回空去 悉後期河臣日坐嘯公帑徒虛糜 九重南顧憂宵旰

在茲天下有鉅任楚材起當之矯矯湘潭公望隆朝野毗司空職水土 特簡

非疇咨下車甫三月積弊端端釐別開延攬途奏入 報可隨顧惟需才際端

往夫奚疑憶昨陪南巡開河議方滋聖聰斥勿聽仁被枯骸馘使者免冠謝跪

聆切責詞子時理北河底績在下邳桃花千里浪故道復一支上考記姓名把

麾旋量移西涼極邊郡忍使侍養違棄官返子舍色咲依庭幃三年檀州城形

影肯暫離父在代父勞父歿扶櫬歸銜哀舉大事黽勉獨力措子性實至孝子

才故難羈焉能盛壯年鬱鬱長衡茨大儒況當道行矣得所食音依與輕車就

歸義同

熟路成此一段奇我有肝膈語殷勤効臨岐子家門閥高仍世澤未漓願為良

馬逐莫作要駕馳曹輩豈乏賢心期古為師奢須示以儉愛必視乎施上為國

惜財下亦量己資謹身而節用歷試何不宜贈行意盡此或勝酒一卮

四時行樂圖為張楚良題

春

眼前自饒春意何必三十六宮紅藥扶頭宿雨綠楊踈地輕風

夏

蕉陰似薄非薄桐葉雖多不多竹几桃笙瀟洒樓輕蒲扇揜搓

秋

水北水南霜氣船頭船尾衣香離離人影花影的的濃粧淡粧

冬

童子開爐煮雪幽人倚檻披氈兩眉喜氣浮動又得新詩幾聯

題潘銘三孝廉相馬圖小照四首

房屋偶然降地上有騏驎紛紛阜櫪下孰是九方歟
杏葉韉未施桃花色堪愛君其賞神駿或在驪黃外
骨有買千金才誰展萬里人間高築臺請自郭隗始
曹霸丹青手逢人亦寫真試看相馬者此豈尋常人
題沈紹衣遺像四首

人稱沈隱侯自比林君復竹外一梢梅梅邊數間屋

少壯記同遊廣談讓虞筆神理宛然存呼之疑欲出

拙閒吾好友

陳六謙

澹遠吾賢從

家聲山

兩三幅上句五十年前夢

二人各有題辭今亦下世

久在人間世孤懷語向誰還將病風手追和草堂詩

哭馬寒中四首

含咲君過我含悽我送君悲歡朝夕變來往死生分性命脆如此流傳駭所聞

從茲當食嘆不獨感離羣

是日晨過余午餐尙健飯輟筋後忽云頭暈亟遣輿丁昇之歸中途氣絕矣

一發真難救從知病有根禍深同室門痛徹九原魂豈少相關意終慚未盡言
數行身後泪無補是生存

十里南塘路歸兮認故居一生豪氣盡萬事蓋棺初妾守牽蘿屋兒收插架書
詒謀須善體兄弟好相於

太息歸田後何人問草萊嬾知吾少出勤望爾頻來造物忍相奪孤蹤良自哀
徑荒門尚設行復爲誰開

長生木瓢歌

有序

塞山千年松癭內侍采以爲瓢覆如蝦蟆仰如荷葉中容一升許體輕而
材堅叩之有聲乙酉秋隨 駕避暑口外蒙 恩頒賜者閩中林鹿原取
少陵詩語名之曰長生木瓢八分書其旁閒窗檢點舊物以歌紀之并邀

德尹同作

老蟾爬沙離月戶走上寒巖古松樹化而爲癭質漸堅雪錮冰膠肌理附夜又
欲割電火燒頭未及張其背焦不知閱世經幾劫大似箕山舊挂瓢中官采同

豫章樸雨洗泉澆出新沐豹胎拆骨僅留皮驚甲剗腸殊少肉外睥兩目頭微
頭音何仰擎無柄幡幡荷旁敲儼聞聲閣閣中翕能受形蟠蟠當初曾浥官廚酒
拜賜居然落吾手今來飲水每思源甘與支離分相守詩人好古命以名杜章
可斷標長生瓢乎瓢乎汝之真率吾所愛毋逞狡獪伎倆復變蝦蟆精

建蘭盛放戲成二絕

新芽續續茁陳根可惜看花眼漸昏天與此翁留鼻觀秋來香到第三番
名種何須九畹滋閔堦也長子孫枝癡懷尙作明年計手翦花麴供佛瓷

明窗吟

閉眼則見暗開眼則見明問窗窗不知多緣吾眼生紛紛黑白花變幻靡定形
文室修止觀滿前水清泠盡除昏暗鎖勝闕光明經

淨几吟

几淨豈有垢塵來集無端方其初集時拂去良不難旣拂旋復集我勞何時閒
有心斯有塵應作無垢觀毋爲一塵役流轉心目間

古杏山 先奉政公祠下老桂四株每歲花時觀者襍沓余兄弟年踰

七十曾未一寓目中秋前七日德尹治具攜紹姪及沈甥房仲椒園偕

往小飲花下得詩二首

山從金粟近分支中有吾家古桂祠百尺煙霄扶老幹兩朝雨露長孫枝天教

人健兼無事僧報花開正及期七十餘年輕擲過只爭一日勿嫌遲先一日相約為微雨

阻所

小春天氣氣清和邵堯夫詩以八月為小春天恰喜招攜少長過風出牆頭香馥郁日翻屋

角影婆娑瓦盆瀉酒三升釀芳樹攀條一曲歌聊解鄰人嘲笑語子孫來少客

來多

重九前三日庭桂復花適聞德尹自吳門返棹口占招之

條過中秋已二旬再開花似為歸人明朝便恐紛紛落何暇招呼更及賓謂東亭會

三芝田諸弟

後二日德尹乃來花落矣

今年夏旱秋無菊賴有深叢發晚香昨日不來今日落可憐明日又重陽

九日不可無詩漫賦

古來此節非今始天下何人似我閒無酒無花省留客不風不雨罷登山秋高
烏帽黃塵外興寓疎籬落照間獨把一篇酬九日從他雲物咲慳頑

吾邑海隄告成制府滿鳧山疏請立海神廟親來度地於小尖山麓

皇上御書協順靈川四大字錫之扁額用示褒崇壬寅仲冬藩臬二長
祇承臺檄蒞止廟中虔恭將事慎行老病里居獲逢盛典敬賦俚言以

志不朽云

路轉山迴海接天高甍巨桷鎮山前神封不以公侯重
睿藻長如日月懸雲
散蜃樓呈象出波平龍窟抱珠眠堯民同此安耕鑿來與
君王祝萬年

戲詠案頭哥窯唾壺

小器託名製流傳自章一咳唾承幾人今來入我室我非王處仲汝口保無缺

長齋繡佛圖爲楊笠乘節母賦二首

庭下一梧桐初生鳳已孤桐今高出屋辛苦鳳將雛

佛力隨人願年深事果諧孝烏能反哺慈母愛長齋

再爲笠乘題江天一笠圖次原韻二首

魚尾殘霞照水紅健帆劈箭指遙空渡江桃葉不用楫自有少男少女風

浪白青天曉日紅飄蕭一笠好凌空人生快意偶然爾若是順流休使風

十二月初四日恭聞 大行皇帝於十一月十三日賓天而詔使未至

小臣病廢家居不敢草草成服搶地呼天悲哀欲絕旋復收召魂魄賦

輓歌四章祇自述銜 恩負痛之私至於 帝德 皇猷充浹宇宙詳

於記注千古爲昭固非草莽蕪詞所能形容萬一也

皇帝升遐率土知北來 哀詔尙遲遲家居水遠山窮處耳聽天崩地坼時却

望雲霄心似醉未填溝壑命如絲此身直是拖腸鼠流落人間浪自悲

功高參贊道彌綸鴻澤靡涯造化均乾健坤貞時久泰日暄雨潤物長春兒童

今作耕耒叟卿相誰非教養人六十一年無改號始終 堯曆兩壬寅

臣本無才拔擢優旋憐衰病許歸休篋藏 宮硯蛟螭護架奉 宸章日月留
楹帖兩行珠十顆堂顏一笏玉雙鉤貧家何物非君賜說與兒孫總泪流
一昨曾充侍從班如今視息愧投閒 起居路隔千官外頂踵 恩深廿載間
弓是烏號驚忽墮髯隨龍去杳難攀傷心枕上春明夢髯猶疑覲 聖顏

敬業堂詩續集卷二

...

...

...

...

十一月朔四日奉聞 大行皇帝於十一月十三日棄天下而終使太子

...

...

...

...

...

...

...

敬業堂詩續集卷三

海寧 查慎行 悔餘

餘生集上

起癸卯正月
終乙巳五月

雍正初元再逢癸卯余年七十有四矣江海餘生嗟情未廢正如病馬嘶
櫪枯葵泣霜竊取東坡此意各此集既以志感亦以志痛也

敬題康熙六十一年曆後

王春天上賜官書花甲山中紀閏餘蚤是孟冬頒朔後重逢開歲改元初青陽
左个迴羲馭斗柄東方轉帝車節物不殊年號異敢將新舊比乘除

舊有餘波詞二卷原稿失去將四十年沈房仲楚望椒園兄弟忽以抄

本來歸即用詞字為韻口占二絕謝之

綺麗餘波入小詞枉拋心力悔難追依稀四十年前夢重拾亡簪事亦奇
故物來歸喜可知木瓜原是我家私相投敢謂瓊琚報兩首詩償兩卷詞

二月三日再過西阡看梅適遇沈椒園遂與偕行時德尹以腰痛不能

出故章末戲及之

臘尾曾經冰雪催旋經風雨又經雷枝頭欲落未全落眼底先開讓後開天好

一春逢幾日身閒半月到三回

半月來與仁和符趙二生及吳興沈厚餘韓自為輩兩過此故云

腰輕腰瘦宜

相傍故與東陽結伴來

題沈房仲閉戶視書小照三首

俗物與書仇紛來奪專嗜愛此卷中人胸無戶外事

人方用三冬爾乃取九夏梧竹滿清陰脩然坐其下

吾衰苦善忘鑿壁仰鄰照蘇老有成言得君如再少

去冬過當湖重宿化城精舍紅椒上人初自嶺外歸出遊草見示今有

詩來索和以四絕酬之

化城菴外水如天每到東湖愛泊船禪老羸償行脚債詩翁重續對牀緣

消息流傳恐失真親從六祖證前因黑灰堆裏尋衣鉢辛苦南華禮足人

識取寒泉不二門散花千偈似瀾翻平生痛癢相關處拍掌中看帶血痕

來詩有吾

道痛相
關之句

水月洗開雲霧窟廬山面目現當前從今便結紅椒社何必青松有白蓮

來書云將

歸老廬山相約
續青松之社

喜會濟蒼學博見過次見貽原韻

菰蒲新漲拍村橋鷗外相尋獨倚橈歸路爾貪千里近離羣我嘆十年遙蚤時

風格追思曼末俗交情感孝標

酒間語及徐
淮江後人

忍負眼前林底月直須酪酊到深

宵

老友張漢瞻自礪城來有詩感舊次韻奉酬

京洛追隨不計春推移俱是兩朝人故交屈指年年減邸報傳聞事事新居近

幾家滄海曲

謂唐考功東江
王給諫學菴

詩留一卷太湖濱

往有橘社唱和漢
瞻會刻於吳門

明珠魚目休

論價草木終緣臭味親

時以新刊文集見貽
余亦以拙刻奉教

題符天朗聽琴圖小照

絲布遊難縫譜成惱儂曲

綠珠所作

餘音一以散古調復誰續不愛指頭纖只怕指

頭俗老耳劇分明寒泉韻秋玉

又題竹里勤書圖

邊孝先腹十萬卷庾蘭成賦三兩竿置爾於雲窗霧閣擬之以青瑤明玕

哭東亭第六月十九日

旬來聞伏枕旦日走憑棺吾哭得無慟汝貧翻為官功衰凋喪盡子姓荷承難
後死餘家督腸枯感百端

六月廿四夜枕上作

季夏之月魘行虐三旬苦熱兼無風暗雨臥聞來自北明星起視生於東民勞
尚懸飢渴望吏酷聊借驅除功杜陵句似為我設未免憂國思年豐

及門符幼魯將入太學來乞贈行之句

海隅夏大旱處暑暑未徂符子將北遊肩輿叩吾廬告別乞贈言此意胡可虛

我持一盃酒味薄分去有餘酌子不盡觴行行勉相於男兒屬有志寧甘老鄉

閩京華聲利場太學才所儲天衢闢賢路馳騁誰不如筮易得同人謹於出門

初豈惟交道爾願以類推諸

亢旱苦吟四章

居非永熟鄉兩世且拙宦歸田踰一紀仰屋屢永歎初來親故疎近遣僮奴散
兒孫累十口穉弱居過半頗覺生理艱頽齡乏長算何當委時運付以一咲粲
荒政緩催科明明 新詔制陋邦亦王土徵發當此際皇天久不雨瞻仰星有
擘郡符夜到門猛挾雷霆勢貧家窘倉猝慮不及卒歲盡典禦冬衣而充夏秋
稅

年年秋八月種菜及是時自從亢旱來風燥土不滋荷勸破完塊投種計已遲
甲拆稍萌牙蟻去聲口甘如飴嗚呼菜色民自古乃有之今方愁歲饑豈獨啼年

飢

此鄉本瘠壤寥落窮吐居樂歲尙歉歉戶鮮升斗儲十年罹海患疾痛況未舒
熬波久無鹽竭澤兼無魚何以置此輩俾安作息餘吾詩倘可風聞者盍采諸

重陽前四日沿海隄入邑城道中感賦

愁臥閱十旬閉門何所之今晨偶爾出目觸中心悲海霧一氣黃秋陽敵炎曦
黍苗槁既盡禍及藁與蕘有如經戰地顛倒橫僵屍果然周餘民慘慘靡子遺
赴死聚百族偷生無一機曷不呼彼蒼天高聽宜卑傷哉莫以告造物非不慈
田間老秃翁罪歲微有辭身謀良自拙惶恤斯人飢

十月九日重赴沈仁山賞菊之招席上戲拈二絕句

涉夏經秋旱太甚問花那得此精神一池水抵三時雨辛苦朝朝抱甕人
遲開猶及領晴光日薄風輕未有霜只算今年秋帶閨重來恰好是重陽

菊花中有名舊朝衣者戲詠之

借緋借紫儘無端俗眼多從一例看衣不如新人已舊枉呼贊善作朝官

香山詩好

似東都白贊善被人猶喚作朝官

題勝子姪牧牛圖五章章四句

飯之則肥飲之則瘦緩爾商聲聆予雅奏

一爰四其足可蓄可畜亦兩其角可

以挂書二爾牛來思釋茲在茲既辭輓輓盍解厥縻

三黃金籠頭飼于豢牢與

其爲甯毋寧爲陶四解出關者青露地者白自我牧矣各適其適五解

徐觀卿將北行有詩留別次韻奉酬

鉅若鼇戴山微如蠶冠粒履幽則坦坦用壯斯岌岌君才眼罕儷君語口恆澁
半月脫朝衫窮年事緡笈躬承馬班後學富鯤鯨吸勝國史未成嗣賢合重葺
烹雞用牛鼎少膾取多汁嗜篤來衆濟衿開祛積習東江老名宿謂唐實君惠好稱

朋執浥彼古井深資予修綆汲羅千網必萬裨九糲或十義以晰精物時乎視
闢翕寧非明堂材盍奏清廟什行藏勇內斷聲譽恥虛襲峨峨野史亭燦燦傳
家集爲鱗雖久潛在羽難終哉 新綸紹前局初震發羣蟄人皆推掌故官甫

踐末級巾笥快提攜直廬供采緝歲增廩稍豐月受諭糜給同僚斂手避先輩
下牀揖尺木階徐升登瀛門再入矯首有抗顏和衷靡孑立所期擊汰往安事
臨岐泣贈處例當酬蠅蝨附驥鬣山蔬黍饌薄村酒勸飲溼遠道懽莫追餘波
感猶及志士覲業成吉人貴辭輯從教衣帶緩肯作步吏急功名況時至庸可
俯而捨去去慰民望吾方詠臺笠

題徐子貞大司空遺像

我出師門垂四十年通家後進獲奉周旋公之視余猶稚弟然晚追前躅同返
林泉幸不負夫初心遽舍我而逝焉官止于司空壽躋乎老傳式瞻畫像儼睹
生前蓋逝者其畫而不亡者其天

徐青藤墨牡丹為視遠上人題二首

濃墨點雙花枯枝綴一極目中無尹白放筆自成家
不數洛陽春不上天彭譜愛此甘露瓶紋如衲衣補

題金匡秀戶部南廬圖卷子

婁江之水清滄浪幽居宛在天一方展開八尺好橫幅令我興發神蒼茫耕煙
筆妙呼欲起題為王石谷所畫快比并刀能剪水樹高竹密綠兩涯日薄風微香十里
飛來紙上疑有聲采蓮歌逐菱歌生亭臺占斷清涼國宜爾三人遺宦情人間
炎熱吁可怕亦有扁舟思穩駕題詩預作隔年期來就圖中消九夏

哭唐東江考功四首

獨上扁舟逆風滿天冰雪到婁東
賸含溼面雙行泪來哭平頭
九秩翁與我

相忘形跡外感人尤在朴誠中
矯時肯擬朱公叔自此交情見始終

華髮登朝僅兩年賦歸樂事在林泉
招邀鄉社耆英友成就師門繼起賢
君歿後數

日徐觀卿以輓章寄示具述相成之誼
上瑞人方占壽國少微星忽隕吳天九原可作夫奚憾自

信千秋業必傳

曾將尺素寄相思亦有流傳肯見疑
無間可容纖芥入此言唯許兩心知
麤償

晚節行藏約細檢生平贈會詩最後一篇
皇甫序不教衆目笑誇癡
今年正月君為余敘

詩集

門館郊園次第開昔遊幾度獲趨陪
十年齒序推兄長半榻塵封望我來
同調

云亡應共惜輓歌相續有餘哀
海山兜率茫茫路老向人間首獨回
此章追述京華舊事

兼傷揆文端公時文端下世已七年君集中哭揆詩有見示語故及之

甲辰正月重訪佟陶菴同年於江寧試院感舊有作二首

嶺南經判袂海上繼啣杯忽漫七年別
猶能千里來短長踰隴夢辛苦佐時才

君由西寧軍前奉
旨起用故云萬事蒼茫外重逢又一回

跡忝朝廷舊身叨禮數優入時庸自棄出谷偶相求柳色回青眼梅花笑白頭

感君期我厚長恐負千秋
曩承分俸刊拙集故及之

上元前二日陶菴以詩約遊清涼山次韻奉答

令節長多雨連朝偶得晴陪遊原有約索醉豈無名
香山詩獨醉似無名借君作題目稅杖扶

身健芒屨稱脚輕老嫌簫鼓鬧準擬入山行

元夕偕陶菴中丞遊清涼山寺

山號清涼寺並稱此山此寺冠金陵展開碧落千重網湧出紅蓮百萬燈勝踐

肯隨殘劫廢
佛殿新被火危欄知得幾回凭宰官說法吾來聽或恐身為過去僧

題秦淮丁氏河房二截句

一派淪漪漾小波風光其奈早春何亭臺夾岸參差影老柳無多新柳多

畫社詩壇半寂寥百年塵劫履綦銷依稀記得虞山句丁字簾前是六朝

贈清涼中洲禪師

師在吾鄉住十年風塵南北見無緣眼前一片清涼界二老相逢亦偶然

經史紛綸入剪裁黃山賦可壓天台波流雲委三千字一句何曾杜撰來

師有黃山

賦皆集古人成句爲之

戲柬蔡鉉升

饑鳳軒前隕客星

杜濬

璞菴歿後少詩朋

王廷

能談五十年來事一個隳官蔡鉉

升高唐賦長吏隳官賢士失志

席上留別陶菴鉉升中洲禪師適至

高僧來入社開府出登壇韻鬪千巖險唵求一字安足增行子重敢竭故交歡

江渚禽魚便新篇寄不難

自金陵至丹陽歸途卽事口號六首

莫愁湖北莫雲橫淳化關南朝日生不管羣情方望雨出門一步但祈晴

茅菴僧勸趙州茶遙指坡陀去似蛇爲說井枯池亦竭前頭漸少賣漿家

野無青草麥無芽捲地風來撲面沙遇著閒人還借問前村何處有梅花

應試諸生半跨驢就中不少鄭昌圖相看一咲休相避西抹東塗是老夫

二月補行

癸卯鄉試

滿眼流移大可憐憐渠所至遇凶年絲毫何補飢寒色忍為看囊惜一錢
古邑句容隻堠邊僅通車騎不通船詩翁來往無人識獨結孤燈信宿緣

送李邑侯罷官歸武功二首

名含英甲子科乙榜秦人

思歸若箇便成歸簿領抽身似爾稀昨日罷官今日去萬人海裏羨鳧飛
武亭川外武功天禁旅西征近十年留取濟時心力在讓他卜式去輸邊

薄遊二十日歸時西園西阡梅花已零落而盆中三本開方爛熳戲成

二絕

落盡江城笛裏花主人索咲始還家盆梅亦是移根接不為東風長妬芽

見黃伐檀

集

舊圃新阡本一家天工人巧略爭差遲開畢竟先桃杏及作春頭替代花

庭有柔木二月初吐小白花花皆五出因名之曰雪梅

紅梅已死十年前手植者益梅謝五出輸他密綴條比似雪花看更好入春一月不曾消

石芝出南海中鄭北山集所云石花也

海南有異產瑤質波濤姿靈苗豈根蒂歲久成菌芝土俗名以花泥沙誰惜之我來遊嶺表瑞物始見奇歸無千金橐石肯萬里隨刷以止濁膠澤以無垢脂藉以錦文石承以縹色瓷平堦水一泓淼若干頃池中央好位置爲爾呈華滋上有蔚藍天倒涵星斗垂旁有金鯽鯉吹唇搖尾鬢菖蒲須漸長荇藻交紛披芝兮得其所永與山海辭喚醒嗜睡翁此品不療飢吾姑悅吾目君毋朵君頤東坡有夢食石芝詩故戲云喚醒濛濛嗜睡翁亦蘇詩語

牡丹花下偶題

吾生去日多來日春事今年減舊年可惜風光太狼籍彊扶衰病到花前

潤木新居看玉蘭次德尹隔日雨阻原韻兼示上姪令錄寄京師

唐昌玉蕊豈易得木筆愛吐瓊瑤花倉皇不費萬金買先後特爭一日差遲開

正爾及爛漫治具公然出咄嗟吾廬無此聊藉口夜醉東舍晨西家

德尹新居看牡丹二首

新堂既已成各種移牡丹鞋紅玫瑰紫深紫鬪兩般迨茲風日晴家會欣團圓

買栽洵得地好與兒孫看

是日信菴自開化歸諸姪諸孫俱在坐

吾庭非無春其花名玉樓昨開值驟雨爛漫八十頭召客客不來主人翻出遊

先一日招諸弟于窳軒為賞花之會被兩阻

有情定遙妬易地為勸酬

哭承兒四首

汝兄四十八捨我而逝矣汝沒後十年數亦止於此兩哀併一慟摧感胡能已

明知贅世翁必無久存理所傷門祚薄壯殞先暮齒生汝兄弟三眼前惟一子

魂兮去如夢未遠呼應起

小年故多病慮作短折童亦既見成人庶望送我終天乎忍降割奪去仍匆匆

獲價貴於金積孱氣不充有時或彊起好語聊慰翁誰知藥罔效竟坐室屢空

四女各未字三男盡孩提汝在稱慈父汝亡累孀妻一母將七雛故巢且羣棲

饑寒雖僅免晨夕同號啼老耳實怕聞聞之彌愴懷吾今已耄及嫁娶何時諧
汝叔苦相勸謂我勿過傷人生百歲中壽天齊彭殤六十且不毀矧迺七十強
禮教有格言嗟嗟吾豈忘那堪垂老境重此違逆喪委蛻視子孫達觀媿蒙莊
收聲欲制汨汨落復數行

七夕邀諸弟作真率會先三日爲芝田七秩生辰兼補壽觴席上口占

四絕

一家舊注長生籍合算今年得幾何四個老人三百歲更加百歲肯辭多

四個老人

三百歲用香山成語

不問賓筵與主筵更番酌必我居先此觴只算屠蘇酒得歲還應讓少年
人生七十古來稀萬口流傳老杜詩吟引南華爲轉語行年七十似嬰兒
斗牛光並老人星銀漢中央界紫庭但願年年仍此會借君生日倒吾瓶

七月十九日海災紀事五首

門前成巨浸屋裏納奔湍直怕連牆倒寧容一榻安卑憐蟲窟掩仰羨燕巢乾

海闊天空際誰知寸步難

借穿殊少屐欲濟沉無舟我怯行攜杖兒扶勸上樓雞豚混飛走鵝鴨亂沉浮

小劫須臾過茫茫織室憂

不有匏瓜苦渾忘稼穡甘奇災悲目擊往事聽農談高岸翻為谷窪居直似潭

連山浮島嶼幾點戶東南

驚魂招晷刻沉氣晦連晨身似乘槎客誰為裹飯人滔滔方滿地袞袞總迷津

久在人間世徒嗟閱歷頻

水無沉氣出國語

亭戶千家哭沙田比歲荒由來關氣數復此覩流亡痛定還思痛傷時轉自傷

艱虞吾分在無計出窮鄉

武原故人陳少典下世垂五十年尙未克葬比聞棺木被海潮所漂感

傷存歿作詩寄其子行中

一棺猶淺土聞說被潮衝痛矣兒無父傷哉殯未封居貧須量力擇吉乃逢凶

行中精於堪輿家術故云骨朽難逃劫吾將罪毒龍

李氏外孫女歸寧其母於南昌詩以示之

汝母年四十無男痛孤孀我時在汝家目睹心悽愴回頭汝在側肩差如母長
弱女良勝無含哀解徊徨亟歸為擇壻近出諸孫行前春遣就婚去秋聞弄璋
老人破涕笑稍用慰所望為婦已三年禮宜見姑嫜却愁形與影生長未離孀
女出孀孤單依依誰侍旁送汝至中道此情良可傷愛割乳上雞隨親返南昌
分飛二千里東下錢塘江逮汝夫婦來我復遭逆喪匆匆暫相見悲喜焉得雙
西風吹斷雲診夢占不祥俄來南浦信又報無服殤人間內外媿歡聚恆充堂
天胡於此酷觸境懼奇殃歸寧亦可憐母在雛則亡想當重會面斷續難為腸
切勿念老人老人行自量世無消愁藥可有長生方

題仲弟查浦後甲辰圖小照十六韻

鄉黨吾廬會高堂學圃圖

學圃圖先大夫甲寅春畫像也余兄弟四人及大兒克建咸侍列圖中今五十一年矣

承顏猶

宿昔過眼特須臾賤日雙青鬢歸休兩白鬚得兒雖校晚投老倍堪娛

弟生三子皆在

五十六漸愛隨肩侍長聽隔壁呼

用南齊劉

推先讓梨栗交替飲屠蘇樹是三

珠茁庭非一鯉趨自嗤牛舐犢人羨鳳將雛膝下添文度

去冬新得一孫亦入畫 毫端識

長儒

見北史文苑傳 閱依鬆几坐健却癭藤扶喚出從花下排行繞屋隅起居方遞進

左右亦時須偶作分巢燕均為反哺鳥行看孫非角勿忘去父勤劬笑問多男

子何如五丈夫更煩名畫手貌爾比商瞿

商瞿老年生五丈夫子竊為弟留眼望之

送沈楚望赴汴梁幕兼寄楊次也徐象求

之子梁園去詞華洵絕倫幙僚稱得士村巷感居人夢豈江河隔情兼臭味真

此中多舊好毋惜附書頻

海魚嘆

并序

吾邑未罹海患以前城西有巨魚隨潮至約千餘觔潮退閣沙附近居民

割而食之不半月而來海潮之禍客有傳其事者作此以補前詩所未及

云

永明海鷺移山來

南齊書永明九年鹽官縣石浦有魚乘潮來水退不能去黑色無鱗土人呼為海鷺 細鱗不數菜黃鮓

桓寬鹽鐵論菜黃之鮓不可勝食

居民分鬻彼何罪天遣先期行告災浹旬以後洪流至鬼泣

神號無處避怒聲似爲魚復仇千萬生靈吞一氣魚乎魚乎倘有知孰噉汝肉
剗汝皮如何了不分恩怨一任波臣恣虐爲

中秋與修陶菴中丞相遇於江陰舟次邀同月下小飲口占一首

清涼古寺上元遊重展晴光爲我留一咲可知無價買萬緣何必有心求主張

風月推壇坵舒卷波瀾入唱訓絕勝虎山橋畔路兩頭絃管作中秋

蘇人皆望夕至虎邱故云

吳船口號五首

潮痕初退岸猶淹直過吳江水始甜賴有具區三萬頃不然瀉鹵盡生鹽

東鄰禾爛相無春西舍居然畝一鍾肯信報施皆鹵莽惰農方欲傲良農

水厄初離大海濱人天孰與指迷津忽然石觸舟中裂悟徹平生有漏因

石觸舟壞此中似有悟境

過澗墅關

往來屈指一旬中南北東西總逆風勿與此翁同此路鄰船豈必盡無篷

黑白何心角逐雄黃羊枰付水流東依稀十九條邊路也算仙家小劫終

舟中與尊

聞姪圍碁遣日今碁局爲水所漂故云

吊秋花二首

貧到今年甚栽花徑并荒客疎閒步履庭失好秋光枯槁翻因水摧殘不待霜感時覘物變渾似閱滄桑

爲少成陰樹從添覆地花頻頻滋灌溉歷歷萎泥沙涼蝶飛何處秋蟲話別家陳根如不死春雨望萌芽

題從孫東木說劍圖小影

擁書仗劍真名士看舞徵歌亦雅儒

今祖聲山有仗劍擁書圖尊甫恒弘有看舞圖舊皆屬余題句

愛爾丰神

如父祖爲題詩到第三圖

喜得三弟潤木請假省墓之信四首

忽忽京華別回頭十二年自嗟衰已久重見恐無緣喜極淚隨落書來夢告先

前一夕夢與諸弟共飲梅花下

蚤梅消息近猶及草堂前

一紙平安字中含慘痛辭乞歸寧論暫得請敢嫌遲恩重身難退天高聽故

卑自今方計日倚杖候柴籬

至性吾憐汝頽齡似弱齡銜哀思往事燔告慰 先靈再世 恩榮遠千秋雨

露零岡阡松柏路冬月倍青青

海角承基業秋潮冒石塘三間僅無恙十畝已全荒身在貧何礙詩成病亦忘

古來無此樂四老話連牀時四弟信庵方赴省試計當同歸

製地黃丸十韻

恆醫多試藥久病守成方客或餐雲母吾唯服地黃豈無他佐使兼取理陰陽
味以甘為正材尤熟者良飯蒸資穀氣酒洗帶糟薺幾遍親炮炙移時謹弄藏
磨臍霏白雪白杵擣玄霜夜和丸加蜜朝飢噉用湯參苓從長價藜藿等充腸
若問延年訣君看髮短長藥性論云熟地黃久服變白延年

重陽前一日曾三弟招同德尹芝田登龍尾山歸飲齋中口占二截句

十年幾度記清遊一壑能專又一邱輸與主人筋力健咲看三杖拄交頭余與德尹

芝田俱杖而登山會三獨否

髣髴前塵付夢遊認將龍尾作旄邱

詩疏前高後下曰旄邱

釀錢可是看囊物爛醉歸仍

挂杖頭

是日曾三獨為主仍
以百錢見還故云

九日閒步橫漲橋西過玉禾堂晤言思百原存叔季益諸姪憶五十年

前曾偕荊州兄登宅南小邱感嘆之餘得一絕句

五十餘年指釣遊憶同把蟹撇新篳竹林便是西州路騰對諸郎半白頭

言思年過

周甲百原亦五十七

洪梅岑自珣溪過訪即次去年投贈首尾二章韻用訓繾綣之情

隔年曾讀七篇詩同調如君更不疑久缺寄書成懶慢重煩弭權訪衰遲菊荒

陶徑仍留客楓落吳江已後時慰我寂寥何以報敢從鷓鴣路指鴻逵

俗談肯置齒牙間一咲相逢飯顆山知我者希應自愛古人如作許誰攀漸消

實事休回首竊忝虛聲祗汗顏借取尊前秋好處滿川風月送君還

自海潮退後旱乾凡兩月餘立冬後三日風雨連晝夜身在吠畝憂樂

之境與鄉鄰同率成一首

大潦之餘重苦旱入冬一雨沛窮檐村翁旋報麥芽茁爨婦先知井味甜天澤下施方是益民情取足詎傷廉餅罌滿貯煎茶水解渴充饑兩莫兼

題徐學人茶坪書屋圖

易於水澤交中爻有頤象聖人喻諸味義在五與上苦雖不可貞甘則往有尙詩家釋茶齋彼此互相妨甘苦味絕殊譬形非一狀茶坪至性士卽事寓意匠中有涕淚痕玄絃出哀唱圖來屬繼和畫好神悽愴我欲釋其神展圖咲相向苦中適得甘一物取兩況祝君如諫果甘至苦可忘天方憐斯人今亦蔗境償

上
吾詩非適俗良用慰瞻望

題沈勉之春江待渡圖

易曰有待行詩云須我友通乎需之義利涉夫何有韋弦矯後急軒輕視前後萬事靡不然時來隻成偶命圖寓深意識者爲領首

四杖圖歌

并序

雍正甲辰秋潤木以省墓乞假信菴南宮下第仲冬望後相繼到家時余

年七十有五德尹七十有三潤木已開第七秩信菴最少亦平頭六十矣
白首兄弟重聚一堂此生此樂何可多得沈子松年為繪四丈圖圖成余
首唱一篇屬諸弟共和

兄年杖國兮弟杖鄉昔之少壯兮今皆老蒼伯兮仲兮偕叔與季杖亦如人兮
一二三而四語本皇極經世書天教四杖兮配四翁落我手中兮入我圖中斯圖閱世
兮知凡幾世安得斯人兮世世為兄弟

從孫東木贈我石徂徠集及舊墨二挺口占以報

手生慣使雪堂墨眼暗愛看抄本書勿吟老饕貪盡取譬嘗熊掌得兼魚
東木與楚望疊魚字凡七章連翩傳示再拈二首以會來意

才地評量總不如連朝踏凍費傳書兩賢健比雲端鷗一老嬾於冰底魚

插架徒然萬卷餘只圖遮眼不繙書詩成亦用白描法免得人譏獺祭魚來詩餘

藏書之富故有此會

東木前貺初從楚望轉致詩中未之及楚望有詩見督戲疊來韻兼示

東木

清況原從君所於報章草附一行書衰顏忘事類如此重為蹄筌記兔魚

椒園自杭歸用魚韻繼和四章見示再疊會之

臘馥殘膏吐棄餘免冠自晒不中書何來好句如香餌十丈寒潭又出魚

用呂氏春

秋語

多生有味在三餘不是還書即借書童似蟄蟲愁啓戶主方漑釜喜烹魚

垂白慈幃暮倚閭平安兼望海南書詩人至性吾能識彈鋏歸來豈為魚

來詩用馮

驪事故云

霜雪侵陵日月除一尊與爾且澆書賸留五色離披羽待配春盤潑刺魚

時鮑我野

雞先以臘酒報賦新年尚擬作主人也

喜雪九疊前韻

冬旱旋經兩月餘朝朝咄咄向空書欣欣喜動眉闌色雪兆豐年夜夢魚

烏程王懿誦明府以潄酒入壘見貽再疊前韻

都門醉別十年餘念舊重煩咫尺書與致青州八從事不愁換酒少金魚

雪後同德尹潤木於西阡裁剪松柏枝卽事十二韻

五百新阡樹參天待幾時縱饒心欲速夫豈力能爲方法咨林叟權宜問葬師
皆云扶直榦切戒斲橫枝趣取冬餘臘毋拘日反支及朝行展視有道在芟夷
斟酌供薪穫商量用斧斯攀條防損葉近本怕傷皮剪伐初何忍栽培擬自茲
養成非易易競長勿遲遲鹿去寧教觸烏來定引慈好留君子澤傳語後人思

甲辰除夕與德尹潤木敬業堂守歲

十里東西宅中央是舊廬但教頻會合何異昔同居就我生春色前十日已立春故借用杜

句爲歡卜歲除白頭三醉叟相顧一軒渠

乙巳元日偕潤木飲德尹梓樹堂

夜點霏微雪晨開爛慢晴吉占逢上歲漢書天文志正月旦八風東北爲上歲殘醉續深更門冷

稀賓客年衰有弟兄欲知排日樂童穉也歡迎

三日偕德尹過潤木雙遂堂小飲

橋北生春水橋南泊舫船爾雅注舫並兩船也堂開書插架池動柳含煙此會經三日吾

生又一年未須論聚散取樂及尊前

信庵四弟自開化至貽我頭陀蘭一盆

海水如鹽變白沙小庭羣卉少萌芽未栽堂北宜男草忽到山中侍女花見采蘭雜

志捲幔移盆香馥郁迴燈入畫影交加東風吹過寒梅信笑問蘭陔有幾家

再詠頭陀蘭

有美猗猗蘭山人蒔藝成瓦盆移礪谷滋護從孩嬰歲久葉紛披寶同翡翠巒

見歸田錄是宜有佛性故以頭陀名我本老比丘宿世偕修行對之莞爾咲亦若弟

見兄適當春蚤時抽穗百十莖蕊者含其芳秀者揚其英深叢如自匿高榦或

自呈方將入我室豈獨列我庭我庭窅而深我室幽以清中空無一有百竅延

虛明微颺何處來鼻觀先通靈霍然蘇病骨邈矣遠俗情同氣何待求同心何

用盟但看露地住爾汝胥忘形大品云須菩提說法者受十二頭陀其八爲露地住

元宵後一日德尹第二孫彌月再同諸弟作湯餅會

昨夜燒燈節團圓正及時今朝湯餅會少長復於斯却喜抱孫蚤渾忘生子遲

回頭看乃祖顏色尙嬰兒戲用老萊子事

送潤木假滿還朝四首

百日期俄滿依依旦夕留情應關棟蓼夢亦戀松楸繞膝餘黃口迴腸感白頭

稻梁恩漸重何敢說長休

屈指平生日全家聚會難當初殊未覺此去若爲寬盡撥形骸累徐商出處安

古來朝市隱直作故林看

要津居不易況乃近鸞局密勿絲綸閣承明著作庭昏歸恆掃軌曉入必侵星

前輩如趨步司徒尙典刑謂張研齋尙書

直伴多卿貳歸休獨老翁十年供奉後一夢欠伸中起廢恩長負隨班命不

同定蒙相問訊爲道耳全聾

潤木北行後喜學庵弟到家二首

壇坵文章伯儀曹主客郎官曾居粉署歸只守茆堂鄉黨人皆敬莼鱸味正長

起予腰脚健踏屐到南塘

送迎連日有出處一家中且喜辭朝客重添合釀翁兩眉雖雪白雙頰尚霏紅

偕隱年相亞如何不約同

余及德尹先後歸田年皆六十四學庵亦然

會城諸子寄示燈花唱和詩卷戲作二首補未盡言之意

短檠平纔二尺高燭或三條豔蕊能含照芳心怕被挑開原資火力落豈待風

飄老眼渾如霧從看漸漸消

到處傳鄉信更番報客過隔宵疑有讖詰旦總成訛螢尾光相似蠅頭炤幾何

防他蜂蝶笑輕命是飛蛾

當湖過高文恪公墓下有感

天上巢痕掃人間鶴夢回新松陰漸合宿草客誰來廢瑟餘三嘆題詩擬七哀

自傷遲暮眼轉瞬閱興衰

重晤借山和尚時將歸老匡廬故後半云

東湖吾所愛訪友復尋春可嘆論交地唯存出世人

嚴西武於去年下世

煙波寬放艇雲

霧密藏身二老心期在隨方總比鄰

以陳鳴遠舊製蓮藥水盛梅根筆格為借山七十壽口占二絕句

梅根已老發孤芳蓮蕊中含滴水香合作案頭清供具不歸田舍歸禪房

偶然小技亦成名何物非從假合成道是搏沙沙不散與翻新句祝長生

曉渡泖湖

扶桑初旭射波紅人在波光浩淼中一葉舟如千里馬落潮時候挂帆風

大司農華亭王公哀輓六首

逮事仁皇帝初終五十年官評崇歿後物望繫生前進退同僚式詩文異域

傳龍髯攀莫及銜痛遂終天公薨於雍正癸卯中秋距先帝升遐僅九月

公豈當言路時方競楚風妄男談禍福俗子走盲聾不藉祛邪力安知衛道功

問誰操白簡袞袞咲諸公此述辛酉秋公官讀學時劾朱方且事

昭代龍門重先朝信史成褻譏歸直道好惡泯平情事大關千古心勞萃一生

後來加點竄此任恐非輕此述丁丑春公奉專勅纂修明史事今史局重開故結句云

巾箱家世業鄭孔有箋疏兼綜紛紜說重煩考證餘荆榛芟藝苑雲霧闢經畬

倚賴醇儒筆流傳祕監書此述公乙未春還朝奉旨纂輯毛詩傳註事

承家多令嗣柄政有賢兄星叶乘箕兆旌題去國銘 宸衷餘震悼朝典備哀

榮公已無遺憾徒傷後死情

門生門下士時世溯淵源別有酬恩泪深蒙知己言壬午以後慎行入內廷荷公獎許迺出儕輩

城瞻望近公賜域在平湖縣界內畫像典刑存醇酒陳詞意還應徹九原

陶庵中丞來撫吾浙寄示重到西湖詩兼索和傳語以十章為率次韻

如數報之

一篇乍展兩眉嘖官紙投來寂寞濱值得白家飛驒賀江山白香山詩

且喜詩人來管領遙飛一盞賀江山

花應含咲柳舒顰老葑重開淺渚濱一色春波三百頃可憐魚鳥總依人時重濬西湖

湖

聖主當時愛笑嘖用淮南子陪游十日此湖濱閑鷗喚醒眠沙夢可有鷓鴣隊裏人

來書語及丁亥春隨
駕至湖上唱和事

重傳魚素語含嘖與致珍羞到水濱野老忍充藜藿腹鄰家還有斷炊人

後十日承

手書相招
兼貺珍味

十室相看九額顰連年水旱厄東濱福星一點明吳越多少人間望歲人

煙雨先開西子顰遙從海滋沂江濱願推睠顧貧交意次及鶉衣穀食人

霜松雪柏青冥上弱藻疎萍沼汜濱地望雲泥心不隔眼中誰似繡衣人

兩回款洽長江畔一度追隨南海濱今作部民應自量竭歡肯效掃門人

用漢書魏

勃事

已成癩病兼衰病合臥漳濱與潁濱辜負先生懸榻待愧非徐孺子其人

十首吟成抵效贖靈珠一握在淮濱讓君頭地君應笑我是車前避馬人

春分前補種庭下草花

客土移根茁嫩芽遠從僧舍近山家衰年不作多年計繞砌仍栽草木花

德尹既和種花絕句復反前意作一首有惟應茂叔庭前草不費栽培

也不除之句再次韻會之二首

隙地纔寬尋丈餘被人比並浣花居浣花溪上花饒笑少陵是草如何不剪除

少陵又有除草詩

百卉全腓蔓有餘鵲巢何異被鳩居靜中勤徹因材理花要栽培草要除

以拙集寄高大立蒙投七言古體長篇推許過分非所敢當輒成小詩

八章報謝兼寄曾濟蒼

初聞檐溜響空庭又聽東軒鵲喜靈報道門前春漲起雙魚來自菜花涇禾中地名

大立自署菜花涇老農

纏綿真足慰相思已得君書又得詩不獨陽春難繼和久將殘錦付邱遲

自排小草未經芟慚愧詩存尚致籤用皮囊美句老去敢云聲病少特煩高手與鍼

砭

曾記京華把一篇曩在都下錢蔗山會當時唱和獨無緣直從常侍論家學五

十工詩自可傳來篇有四以外始學詩之句故用高達夫事以相證

便從于野筮于郊義在同人最上爻說與後生曾見否年將八十始論交

門稀剝啄故人疎比並耆英正不如同學尚餘曾子固謂濟蒼也歐陽永叔罷有贈同學曾子固序罷

官依舊比鄰居

無佛稱尊亦可憐白頭兄在弟之前謂家德尹好邀張丈為同社許我誇張作少年

君年長余一歲故戲取香山詩語以自況

百里煙波悵兩鄉停雲南北互相望蓴羹未落秋風後肯棹扁舟過一嘗

曾濟蒼扁舟見過匆匆即去別後寄示五律三章次答原韻

自聞辭學舍冰雪到家遲不爽經年約君癸卯見寄詩有準擬明秋共晨夕之句還縈落月思有情

來拜棹無夢到牽絲轉悔念念別煩君又寄詩

各有煙霞癖多忘草木形跡同歸島鶴情比在原鴿家集光相射清風座可銘

時以尊甫學憲公清風堂集刻本賜教所慚無以報歸去但空矜

鄉社新農侶名場舊飲徒一生回白首萬事失東隅笑我方迷野從人欲問途

延年如有術相勸服菖蒲來詩有可許同晨夕鈔書事截蒲之句故用抱朴子韓衆傳中事奉食

德尹以堦前大紅洋茶花二律來索和次原韻

特因來處遠小本亦名葩似剪珊瑚樹旋開寶相花雪中猜作火地上擲成砂

寵極宜深貯翻嫌出屋茶山茶出屋人未
知唐人句也

妙手誰能繪施丹別有方趙昌有山茶圖東坡題
云劍南樵叟為施丹染根從赤土耀眼奪紅桑曹唐

詩海畔紅
桑花自開難減一分色如聞三日香遲開寧免妬芍藥在偏房

牡丹一叢手植窳軒堦下已十餘年去秋亦被潮淹春來花頭頓減十

之五感歎成吟

手植芳叢傍薜階曾經爛慢起樓臺只圖春好花長好不道吾衰爾亦衰物性

近憐多天闕天工敢信盡栽培何煩翦却開松徑知是花時少客來貫休詩春
來老病厭

迎送翦却牡
丹栽野松

上巳前一日徐韓奕左田父子見過留飲花下

今年已分負芳時連日敲門匪所思鄰舍晚分紅曲酒前一日家東
木餽琥珀釀故人晨赴

牡丹期禁當齟齬重開戒旬來因齒
痛止飲撥觸吟脾又得詩花若有知應見哂合將

宮體讓徐摛

祝良仲兄弟邀同朱敬修及子姪輩葆光居賞牡丹感舊五首

遇酒逢花每自憐當前光景記從前分明一枕繁華夢再到俄經十二年

甲午春赴

賢昆弟之招
余有詩紀之

檢點尊前少一人

賓季下世
巳四年

老夫制泪且開鑿郎君

謂勉
仁

好比階庭樹世澤長

培手澤新

儉和堂與葆光居兩姓相望十里餘眼見祝家花若此朱家庭院問何如

敬修
所居

儉和堂前亦有牡丹一叢
花時不到四十七年矣

嘉辰省對亦前緣日薄風微穀雨天含笑入門扶醉返愛花兼愛主人賢

慚愧吾家淺淺叢開時只好伴衰翁翁衰事事粗知分歸勸花神拜下風

烏程令王懿誦同年樓村賢嗣也到官半年三枉信使惠好有加野人

乏芹曝之獻二律報謝兼寓感懷

半年三問訊一一到衡茅美酒開君鑿新煙出我庖情深車笠際誼託紀羣交

十卷傳家集流傳重手抄

時以尊公詩集屬余校閱

故人凋喪盡萬事轉頭空不有鳴琴宰誰憐採藥翁溪山鄰壤隔晨夕往時同

曩在武英書局與懿誦共事凡四年

出處何曾判於今見古風

喜晴戲示鄰叟

海角懼水旱桑田歲無收今春蠶麥好到耳一解憂何期立夏來晝夜雨不休
蠶饑麥委浪彌望成荒疇鄰家有老翁仰睇蒼蒼愁呼天訴疾痛淚亦滂沱流
天意驀然回如人轉雙眸風驅蟬螻駢日出崑崙囚災弭斯爲祥卽事非外求
綠葉旣沃沃良苗仍油油我关謂此翁汝今已白頭拭汝交頤泪聆我擁鼻謳
西成所未知春花鄉人以蠶麥爲春花幸有秋且須貰斗酒偕我壠畔遊踏泥行插秧決
水使瀉溝此乃兒輩事毋參老人謀

三月二十九日枕上作

入夏六日半陰晴月當小盡天將明堦前初開蚯蚓結門外亂打蝦蟆更殘花
遞風凡幾信新葉滴露時一聲年年送春如送客自我作主能無情

四月朔德尹招同諸第西阡看梓花曾三不至末章專及之八首

村北邨南路不賒西家攜杖過東家此橋恰與花為讖梓樹橋邊梓樹花

四株直榦兩行排十八年前記手栽老守墓田差自幸直從拱把見花開

玉蘭雪落海棠紅讓爾稱王萬木中二十四番都不問遲開猶壓棟花風

陸佃埤雅

云梓為百木長故呼為木王

遮牆出屋勢亭亭一色晴光耀眼明不是詩人唵不到被他楸樹竊花名

羅願爾雅

翼云梓即楸杜詩楸樹高花媚遠天當是梓花也

椅桐一例可為琴誰識年來長養心傳語花神須善護已成材後望成陰

閒向山前把一尊深慚令弟慰賢昆

王右丞詩平原思令弟康樂謝賢昆

五楸莫作三槐看只要

家風及子孫

雜五行占舍西種梓楸五令子孫順孝少陵又有五楸詩

穀盤索采酒盈升邂逅為歡取得朋却喜居鄰連二仲

謂芝田

何妨末座置吳

興謂沈椒園

小雨催人入醉鄉白頭狂得且須狂

用香山語

兩回輕負看花約

前二日窳軒賞罌粟花會三亦不至

故笑問一翁有底忙東坡詩有底忙時不肯來

四月八日雨釋氏以此日為彌勒佛誕雨則主夏旱

佛日宜垂照農占視耗登望晴翻得雨為咎怕先徵俗已凋傷極吾尤感歎增所憂非越分生理自無憑

知止噏效康節體

知止聊從止足徵牀堪跌坐几堪凭餅花落後休迎客禪杖閒來侍定僧俯聽蛙池憐叫跳仰看鷓鴣路笑飛騰呼兒試問春苔色綠上庭階又幾層

晨起聞縲車聲喜而得句

蠶桑原是吾家業五十餘年廢不治自先淑人卒後久不聞此聲矣朝夕飽餐奴婢嬾詩書責效子孫癡力難與國充耘耔用昌黎語意取如期佐繭絲時方急催科忽聽縲車聲動處

喜於雙耳未聾時

寄祝文昌令沈麟洲六十生日

三千歲月從頭數六十纔經第一回野老今朝隨客賀釋迦昨日抱孫來先一日有

得孫之慶
火山荔子長先熟瓊海桃花或後開
火山荔枝四月先熟見東坡集傳語
大林桃花四月方開見香山詩

鶴書徵不遠簿書寧復滯仙才

馬素村北歸見過

進士幾時進
太白詩有進士不得進之句素邨於
癸卯捷南宮不預庶常之選故云 歸舟暫海涯未尋松菊徑先

過竹林家響拆銷愁酒燈繁送喜花別中何限事歡喜問京華

庭前香繖一株自正月後脊令相繼來巢者凡三入夏復添第四巢見

者詫為奇事感成四章

似求同氣得專爻
京氏易傳同氣為專爻注云兄弟爻也 四月看成第四巢好笑先生計拙一

庵弁說文三十也 載未編茅
禹鴻臚為余繪初白庵圖幾及三十年矣

新綠陰交戶牖鄉連枝穩穩寄連房直同譽樹韓宣子來與貧家告吉祥

破卵焚巢事出奇依依擇木詎無知只除風雨漂搖患此外吾能力護持

次第隨羣不亂羣五家成保四成鄰
語出唐書食貨志 婆娑此樹還三嘆知得幾年為

主人

四月晦夕雨中夢遊西湖

孟夏提月月沉魄

晦日爲提月見公羊傳

仰視重陰方靄靄三更飛夢到西湖直上孤山

少簷屐千年華表鶴羣散百歲叢林僧履隻

諦輝禪師年九十九於兩月前示寂夢中了了如此

獨來遇

雨可奈何對此茫茫感今昔水仙祠前行喚渡權轉蘇堤春漲拍忽磨明鏡豁
雙瞳旋起清風扶兩腋琉璃萬頃冰一片倒寫天容落澄碧船頭魚躍浪參差
船尾鷗輕煙滅沒漸深漸入漸蒙翳半篙抵岸如投隙遮頭蓮葉青出藍掠面
荷花紅壓白中有高人沿岸住遲去我門開心莫逆曲闌幽榭導使前沆瀣漿
濃分琥珀爲言塵世苦拘局紫蓋丹霞爭掃席曷不相從汗漫遊浮名於汝終
何益余時含意笑未答霹靂一聲檐瓦擲覺來依舊雨淋浪疑有湖光滿虛宅

沿南塘至花山觸目感懷口占以當鄙諺四首

去秋海岸拆奔潮聞口經年未有橋老子不知生處樂賸留枯眼閱蕭條未聞
災餘仍慮復爲災魚鱉殘生大可哀 聖主何曾忘海角潮神前月受封來

向來畚鍤嘆徒勞保障方期鐵石牢昨日皇華馳驛過已傳會計析秋毫

不插青苗種木棉忍饑數到授衣天問渠微命絲難續何法支吾度半年

黃梅紀災

播種多黃萎如遭旱魃焚兩痕青沒草嫌氣白成雲樂土今安適奇荒古未聞

空煩春夏屬應候趣耕耘

左傳賈逵注春屬趣耕夏屬趣芸

次韻訓陳宋齋閣拙集見寄之作

與君降同庚惡月獨在午壯齡失前猛餘照晚補捫腹本空疎報耕宜莽鹵

千秋著作堂敢望坐廊廡師門昔多士存者今纔五

同邑受業梨洲先生之門者凡十五人今唯宋齋廷

益梅溪余及德尹在耳

相去復參商雞鳴感風雨如余走流汗僅可籍湜伍傳業君庶幾

後先期踵武猥承獎許加喻以莊蝶栩三都覆酒壚世尙譏儉父矧收爨餘薪

而謂翹中楚秦彊乃盟趙齊大顧下莒小技古所卑詞章奚足數君方勤纂述

萬卷恣搜聚吾老未廢書粗亦識甘苦素心樂晨夕竚跂共傾吐

次韻答吳興沈寅馭見投四章

平生出門交獲觀天下士王楊旣掉鞅屈買亦廟壘吳興憶昔遊山水東南美

風流及前輩觥錄互作使一別三十年好奇未知止舊人眼中盡回首脚頻跂
夢入鱸魚鄉秋期猶準擬詩來若相導喜色浮杖几

遙遙沂華胄千載幾望族獨有約後人到今擅品目一村無兩姓門第不改卜
緬惟襄敏公世緒待爾續撫今萃羣俊望古騁遐矚才氣直靡前虛懷恆抱獨
側聞鄴架富足用三冬讀爲善無近名莊言視緣督

至戚遠漸疎時風薄尤最投名肯顧我欲下老龐拜長揖就末行尊稱加耄瞶
腹枵轉內愧覆發苦難蓋好友昔見收來詩追述與東江唱酬事殆同拾腐芥數篇唱和什

豈敢追彊對何當蹉然音蓬藿假警欬置之勿復道自嘆乃凡介

大阮謂厚餘諧古歡宦遊阻魚素近傳得長告甘澤感汜獲仕路退良難人情怯

鉤注括機有巧發入藪多詭遇本根銜名實枝蔓托毗附豔奪眼界花幻晞草
頭露子方志進取勇要禹彊護珍重角弓詩毋忘譽嘉樹

敬業堂詩續集卷四

海寧 查慎行 悔餘

餘生集下

起乙巳六月
終丙午十月

德尹札來云嬾見一客嬾舉一步嬾動一念前二語不過媮閒而已若云不動念似難以嬾字並提此境非十年面壁未易到也作詩勸之

法門修心地攝念當用勤大施精進幢去妄還其真妙湛歸總持是名不動尊
嬾者勤之反積習奚足云雖然不見客朋從交紛紜卽或不舉步靜坐愁緒煩
念豈因嬾息較難一例論我有祕密藏力敵千魔軍衆賓襍逕來兩脚波濤奔
能於起處滅旋於息後存舊緣以漸斷除蔓次及根新緣免再結去火先抽薪
此是止觀法勿令緣有因老兄不忍私持以贈卯君

窳軒燕乳六雛中有一白翎者喜賦八韻

紫燕家家有雛生白者稀自巢居士室偷學野人衣玉剪開時見銀鉤挂處飛
入羣言語似獨立羽毛非高比鵝翎潔輕嫌鶴骨肥華堂輸氣象蓬戶借光輝

笑我偏留賞憐渠肯見依依秋期行漸近春社望重歸

半研歌為長洲王繩其賦

帝鴻形製遠莫詳瓦則銅雀甄香姜彼皆陶甄出入手詎若純璞不散之為良
 爰從五代溯魏晉嗜古獨取唐文皇惜我墨妙就埋沒蘭亭繭紙翻入昭陵藏
 當時研石落何許一千年後乃於牛女星野騰光芒王廷評家流澤長故第奕
 葉傳金閭風流文采似續代不乏天錫瓊寶近在靈芝坊見苑石湖吳郡志有同茂先
 識劍氣拾從礪礪移置几案旁土花不蝕貞觀字節角廉殺隨員方直將此研
 珍重比玉德分珪之半猶可名曰璋一日三摩挲既以自號復用顏其堂不知
 物情何以貴完璧秦城十五其價未易相低昂適來徵我詩寄語善自將桓廚
 神物縱使不飛去亦須防有人間攫石米襄陽

寄題汪西京乘查圖小照

嘗笑蒙莊生好作自恣言一篇秋水喻特以大小論豈知聖人門觀水必於瀾
 海為河所輸去河乃海之源祭海禮先河古訓垂簡編汪侯儒林彥學務探本

根寓形宇宙內肯受夔蚊憐乘查繪作圖於義胡取焉人謂汗漫遊庶幾遇神仙我云溯洄往直可窮崑崙命圖或以此試問然不然

素村寫山林一幅見貽戲題一絕

墨含煙雨筆生風妙處居然奪化工如此溪山留不住又看君入簿書叢

時將赴銓

選

鼠嚙書舊作也偶於廢篋中得之字句多脫落補綴成篇錄存十二韻
老去他靡蓄攜歸賸有書療飢同菽粟誇富勝蓄畬獨嗜宜遭妬羣邪那易除
取憎無若鼠爲蝨豈維魚巧伺吹燈後機乘倦枕初抱頭疑竄矣銜尾突來如
旁午紛狼籍零丁費補苴無牙誰謂汝利口劇愁余曠廢狸奴職潛逃酷吏屠
飲河非乏水棄壤亦餘疏倉裏寧驚犬田間可化鷺如何天地大苦苦攪蓬廬

責猫二首

魚餒飽後似逃逋長養成羣竊肉徒孰是漢廷刀筆吏盍將鼠罪坐狸奴
老人長夜每醒然兀坐昏昏抵晝眠怪爾也來爭此席公然睡暖舊青氈

讀易至蹇卦左足適病風作此自解

先聖設卦爻蹇取往來義示人以知險兀者特異是我今跛一足往則以偏廢

山水處其窮吳草廬以蹇初爻為東山下之窮處上爻為北水外之窮處四傍靡騁地西南與東北何有利

不利嗒焉斗室中坐臥兩皆寄時還用吾短緩步向簷際用北史李諧事四肢具體微

萬象息踵跂不為平原客見史不作衛侯使見穀梁傳免被全人嗤寧逢馬蛇避用黃

山谷詩行年七十六委運隨時至但恐氣血衰旋隳讀易志胡敬齋云古人老而學愈進是持守

得定不與氣血俱衰也

庭前牽牛卯開辰菱真可謂之頃刻花今蚤偶摘一朵平置盆池水面

至日落鮮艷如初戲作三絕

日出相看到日斜徑同日及槿花朝開夕頽草木狀名日及花鬥鮮華老夫手握駐顏訣憐取

道人七七花東坡詩安得道人殷七七不論時節把花開周子充詩頃刻能開七七花

牆頭池面兩相猜變相翻從泡影來博得兒童傳好語房房斂盡一房開

曾從天啓讀宮詞美酒澆來菱稍遲不獨內家堪插髻而今纔信放翁詩天啓朝宮

人喜插此花晨起用酒灌其根開時稍耐
久陸劍南詩有插鬢爛爛牽牛花之句

中秋前擬招徐韓奕陳宋齋梅溪及德尹曾三芝田諸弟合并爲三日
之遊先期相訂俱蒙見允作詩志喜二首

東西相望總離居問訊頻傳得報書愛惜風光三日裏感懷存歿十年餘自甲午以

後兩舉齒會楊晚研先下世聲延季方兩兄繼前期直恐因跛廢時余左足病風末疾

猶思借酒祛賴是同心不遐棄肯隨佳月到吾廬

近偕諸弟遠朋儔博取新歡續舊游齒長人皆開八秩眼明天許作去中秋芟

盤菱角田家味紫蟹黃雞野客羞伐木三章歌一闕清狂校勝竹林不平叶

客至解嘲

四體分勤惰左之非所宜上階先右足義取主人爲

中秋夕客散偶成末句用劍南成語

龍鍾曳杖憶歸田癸巳中秋兩日前便有鄰人憐我老不圖又過十三年

信庵四弟自開化爲我購得江山老杉可製棺具者七十六翁外是復

何求耶

三年輸石槨三寸勝桐棺與馬衣薪異將蠶作繭看形骸終是累魂魄但求安
生死分勞息吾非慕達觀

徐觀卿屬題竹間小照四首

池上千竿渭濱千畝君子之居君子之有 一

維其有之是以好之豈維好之亦克似之 二

外則直兮中乃虛兮于焉况德淇澳之詩 三

卷中之人含毫邈然我儀圖之代以言宣 四

仙馭第七十初度以繭紙來乞壽言戲作小仙謠贈之二首

好片霞光軟玉箋笑將潤筆抵長錢一門兄弟皆丹籍爾是茅家最小仙 時以醪分

見還故第
二句云

莫問三千與大千五通亦是地行仙黃眉碧眼如相遇七十嬰兒正少年

九日許鐵山楊泓崢連舫過草堂初擬載酒登山晚為兩阻

畫船銜尾到柴桑一笑陶家徑就荒却喜吟編投好句如開病眼領秋光

二子以秋

日詠物唱和詩見示

杖扶野老蹒跚步酒散騷人鬱結腸不料清遊天也妬滿村烟雨過

重陽

題楊泓崢負米圖卷

是母靡不慈古今幾孝子愛此負米圖援經而證史

一解負米不為身反用少仰

事俯有育詎忍聽啼饑豐年一雙玉

二解孝子前致辭糠粃可療饑勿將反哺粒

分減到舍飴

三解慈母亦有語天心視施報但願膝下孫他年如爾孝

四解

聞楊東崖旅櫬到家未能往哭詩以送哀

旅櫬南歸日吾方伏枕辰為誰留望眼與世惜斯人未作青雲士空悲白髮親

一哀辭不盡餘泪溢衣巾

病中曾濟蒼過存匆匆即別次疊舊韻

別中有約泛雙橈重過南塘第五橋短札長箋期冉冉荻花楓葉夢遙遙交能

耐久常存舊病恐滋深不在標忍作扶牀來便去未曾卜晝況連宵

枕上呻吟二首

受病知何日今為覺痛時不仁先手足餘毒遞肝脾腎疽連發醫家皆云肝脾溼熱之症自得安

心藥難尋速效醫朽株空穴喻三復樂天詩

細數平生友人間賸幾人枯松形伴影宿草鬼為鄰隔世轉頭乍連宵來夢頻

遠慚兼近媿一歎一傷神連夕夢朱與三祝彥方王子穎桐村兄弟

秋盡日力輩致菊花數本列於階前彊起排悶

重陽以後過旬災好事童還致菊栽我自無心攜酒賞一年秋負此花開

後十日德尹攜酒共嘗疊前韻

勿藥豈非无妄疾有花莫問是誰栽能消二老一夕醉正爾不用爭先開

寄許純也徐階五兩編修時奉 旨估計畿輔城工兼司賑濟

鴻飛方集澤賑卹荷 皇仁豈乏循良吏猶煩侍從臣力難施版築才可試經

綸損上斯為益端須惠及民

病起窳軒前秋花已萎課童除徑

入冬百卉荒蕪盡愛惜能無翦伐加留取陳根分種類掃開落葉待萌芽牆陰
緩步蒼苔出屋角回頭白日斜七十六翁窮未死明年還擬看秋花

徐觀卿年四十三方舉子書來索詩二首

已稱外祖方為父女婿來來參賀客筵余姪基為徐長婿前年已得子若比堯夫差校蚤生兒還

在兩年前邵堯天舉子時年四十五

掌上爭傳一顆珠他時摩頂記曼殊笑援杜老詩為讖待看徐卿第二雛少陵有徐

卿二子歌二雜其詩中語

偕德尹至梅里送竹垞表兄葬

平生載酒論文地今日偕為執紼行萬卷書留良史宅百花莊近相公塋卜兆

莊距文恪公賜域五里銘傳有道辭無媿淚落天傭表未成令孫稼翁乞余撰表墓碑文尙未就十七年來

餘痛在待看宿草慰哀情

可憫也
高聲伯詵仲兄弟年皆近八旬秋來先後除授教職入冬相繼云亡良

可憫也

高家老兄弟得秩不辭卑白首同歸日青氈未暖詩天寧留碩果世漸少名師

野外誰傳訃惟應哭所知

用檀弓語

久旱乏煎茶水適得泉講師至口占四句

殘年最有相如渴茶竈經旬付冷灰正擬問龍還乞水敲門一笑得泉來

歲云莫矣一室蕭然殘書十架外几案間惟小物八種意有所觸隨筆

賦之或莊或謔非贊非銘自遣一時之興爾

厚能鎮薄尺寸青膚重山岳

右竹鎮紙

一拳石從研得名天與窅窅匪鑿成草堂之靈英山英

右英石研山

挹彼注茲以言乎入也前涓後滴以言乎出也如井收之勿幕庶取用而恆給

也

右均鑿硯滴

有生缺陷造化補天一凝冰相予警

右水精眼鏡

唾可加出可哇語其量有茹有吐耶充其義不屑不潔耶

右哥窰唾盂

孰使一餅之中而備四季之氣爾滋爾長兮于焉代匱吾閱吾衰兮以爲臭味

右花餅

貪爲墨近之者黑剝牀以辨毋緇我白

右白玉墨牀

鑑之昏矣塵則集矣心之蔽矣垢斯積矣惡乎除塵視拂拭惡乎去垢在洗滌

右古鏡

寒夜作

朔氣襲凝寒重衾一老單效收綿力薄量減酒升寬不寐夜偏永無端歲又殘

奇方傳數

息餘暖在還丹

丙午立春前雪立春在卯時五更猶是臘雪也

麥隴輕冰候茅檐薄雪辰五更初餞臘三日復迎春俗儉希霑澤年衰敢怨貧
或云天示兆活此一方民

陳宋齋有新年試筆見寄詩即次去年中秋齒會二章韻再疊奉訓

已是田居又索居得君詩勝得君書揮毫力健增年後嚼雪神清薄病餘轉眼

又看梅萼破當頭猶記月魔祛釋典以月望為魔祛巡檐索笑原初約乘興還期過敞廬

草木年隨草木儔師門昨夢感同遊齒雖似馬徒加長學不如農豈有秋自返

田園甘養拙向來林澗恐貽羞授經傳業輸君在鄰壁餘光肯借不來詩有書種有朋其

室邇之句此章專以志愧

廣四雖險并敘

白香山四雖險以年老命薄眼病家貧與同時四人相校自謂已勝於彼

余意不然命薄家貧夫何足道眼病特年老之一端耳爰捨其三而廣其

一義取達生未免援儒入莊矣

眼雖病日出猶生明耳雖聾風來猶作聲手雖戰信筆書猶成足雖廢倚杖跛
猶行牙齒雖脫落猶能茹菜羹鼻雖若鼽嚏猶能遠穢邇椒馨天旣賦以形又
復勞其生行年七十八尙欲逃天刑曾家貧與命薄足以擾吾宇而撓吾寧

題沈椒園南階初卉圖

取休文八
詠詩中語

歲丙午元旦沈子造我廬殷勤索贈言袖出初卉圖我咲問沈子繪圖者誰歟
經營出意匠頗與俗手殊清池十畝光蕩漾金碧居旁添竹萬个高蔭松一株
襍花繞城平點綴紛紫朱置子於其中圖書間琴壺神情旣閒暇氣韻兼蕭疎
顧茲初卉名於義奚取乎答云卉者草爾雅曾分疏八詠自家傳寓形聊託諸
我有迂闊語推類請及餘大哉天地間物靡不有初日初視乎旭照耀徧寰區
月初視乎緼縱轡騁望舒驥騄千里足厥初乃名駒鳳凰九苞羽厥初亦名雛
人生曰初度未幾稱丈夫初學泝本根六經實菑畬初志勵晨夕百年積辛劬
閑家交有功初筮後莫渝世途謹初涉當路無岐趨我老事事乖失之在東隅
今雖悔弗逮敢望收桑榆願子及盛壯鑒余爲前車勿徒草木觀毋被形質拘

有初克有終先甲從畢辜此意期不薄此圖設非虛

禽言九章

春風吹春草發春雪浮浮泥滑滑

羣趨羣步退飛有路不如歸去

宅不毛田不苗家家土鏗無柴燒直待夏麥黃重看婆餅焦

前年海水鹹殺粟去年連塍旱種菽今年兩足盍來重播穀

鳩鳴榘熟扈將啄粟鵓鵓鵓催蓋屋

同功偕作繭頭自薄胡取蠶絲一百箔

野有慈姑其葉沃若孝婦之口忍云姑惡

村南之酒村北酤不計面生熟但問錢有無女當罏男提壺

天未明且偃臥炊未成且忍餓老而未効得過且過

題友人評硯圖三首

天質花青葉白人工銅瓦陶泓能分上中下品勝看詩書畫評

直可呼爲軟玉磨而不磷匪堅純綿何妨裏鐵纖手搓來欲圓
侍女淨揩棊几羣兒綵戲芝庭勿嗤兩手三硯也似各傳一經

二月二日晴效放翁體

一月陰寒慘不舒風光也解轉庭除門開霧野三竿日冰躍盆池二寸魚傾倒
空箱旋晒藥揩摩澁眼試看書唸成聊用龜堂格猶記年當十七初

放翁有常憶年初十

七時之句乃其七十七時所作

送馬素村赴選入都四首

君居距余居一塘三石橋如連六十井

毛詩疏六十四井爲甸甸方八里吾兩家道里相去約如此數共聽蚤

晚潮有書容借抄有酒肯見招造門或卜晝下榻仍連宵言念平生歡能毋感
寂寥明知有岐路老境不自聊

自我反田里君旋客京華不見十餘年去夏暫到家今又別我出行行向天涯
黃昏叩門入驚起宿老鴉貧者有贈言貨財蔑以加芻蕘倘可采跡遠心匪遐
舉場名久噪七上逢初元得第世所榮是科特名恩謂當出頭地橐筆侍紫闈

乃復儕其曹貫魚伺銓門平生著作手詎耐簿領繁縣令古難為吾聞前輩言
聖主方右文泮宮芹藻美他塗不以襍間用名進士五十曰艾年正當服官始
儒師去俗吏奚啻相倍蓰試問敷教寬何如猛政理宦成論巧拙斟酌當及此
驚蟄後二日雷雨大作

天地久閉藏雲雷動盈滿豈其震羣蟄端用起我嬾晨興拓窗望雨脚垂箭箚
戶戶烟氣微村村農事緩園中菜罕茁野外麥猶短饑饉適游臻桑榆之餘暖
婢依懸釜立童負溼薪返一老方坐慚得餐寧論晚

花朝偕韓奕家德尹赴陳宋齋看梅之招二首

滿灘春漲拍溪沙萬里晴光照海涯近社人隨新到燕勒寒梅是未開花攬須
肯信風情減時宋齋病初起捨杖方看足力加一笑前言猶在耳直饒君作少年誇余與
宋齋同生順治庚寅年十六出應童子試始相識余問君年君漫應曰甲午生追憶已是六十年前事矣

交誼原從古處論家風可使薄夫敦蚤推友愛如累弟晚喜姻媿到子孫身健
會尋他夕約酒香且泛上時尊何妨小變從前例花信為期視此番向來此會以三日為

率故云

春分前一日西園看梅四首

候到春分始見梅，人情大抵惜遲開。似留老子尋詩地，免使衝寒踏凍來。
日氣花光一片明，雨初晴似雪初晴。短筇落手不愁滑，路溼好尋乾處行。
主人久病園頭嬾，林下漸成榛棘叢。爾自不曾辜望眼，依然爲我報東風。

翁放句

憶庭前紅梅

前年海水淹吾庭羣卉無恙此樹獨萎

小樹難逃曠劫灰，花時兩度憶紅梅。白頭豈復賞顏色，未免有情因手栽。

題陳子晉孝廉把卷圖

鄴侯牙籤三萬軸，插架新如手未觸。退之此語微含譏，謂是書多難盡讀。陳家
鴈行好弟兄，一門以內七業成。豈惟過庭學詩禮，已自拾芥聯科名。他年捉鼻
知不免歸侍，晨昏猶把卷會當讀。盡乃翁書爲爾披圖留望眼。

春分後十日偕德尹曾三芝田學庵諸弟西阡看梅二首

西麓看花歲有期今春陰雨故遲遲來已近禁煙候猶及細梅爛熳時開最

晚

春酒還同社酒傾不煩苦勸各飛觥年年此會吾能預只是慚稱白髮兄明日是德

尹誕辰故借用東坡語

僧哥殤三月二日

夢中先得讖膝上果殤雞桂附殊難療參苓或可扶醫家皆云宜服人復力不能給也家貧心

負愧泪落眼從枯何取人聞世摧頽作老夫

清明日再同諸弟西阡看玉蘭戲作吳體

清明之候天氣回林下水邊節物催今日韶光異昨日半開花意勝全開木蓮

木筆取形似玉蕊玉蘭從客猜贏得村童齊拍手白頭五老又重來

小飲曾三齋再疊前韻

此生此集凡幾回春事向晚花信催可無詩與瀟灑送況有酒澆壘塊開骰盤肯博破顏关字謎或比藏鬪猜天於我輩分不薄莫遣後期疎往來

翁蘿軒札來約為西湖之遊以詩作答

故人傳尺素春事滿湖塘柳外移歌席花邊繫畫航勝遊憐我嬾後會鬥誰彊

留待登高候相尋醉鶴觴重陽後二日為蘿軒八秩大慶

蚤發嘉興

茫茫曉路出杉青風色初回霧氣醒夾岸黃雲三十里片帆飛渡菜花溼

立夏日飲同年李若華無錫學署

劇縣疆初割青氈座尚温絃歌二三子時分置金匱縣第子員去其大半詩禮一孤孫若華與令兄寅

谷皆喪子兩家惟一孫分託同年古情緣舊雨敦恰逢櫻筍會款語到黃昏

過青山莊與張天門前輩話舊

一別京塵十五年歸休相對各華顛主猶愛客寧辭病我得如君便是仙再世

平泉深雨露千章喬木長風烟卜鄰未果青山約回首令人意惘然

毗陵訪徐茶坪流連信宿快讀新詩兼晤兩郎君喜而有贈

風雅今誰主言追正始還唱訓如不隔衰病最相關別裏頻馳札重來各慰顏

欲知傾倒意交在紀羣間

茶坪出新意製料絲燈四面不用山水花鳥畫藁乃從拙集中采取七

律一聯以真草隸篆四體書別墨而成郡中燈市為之一變今以兩挂

見貽小詩報謝兼邀莊蓀服湯述度諸君同賦

製出徐家意匠工黑間有白白間空游絲變體雙鈎外

漢師宜官有游絲書

暖玉生烟四

照中

吾邑陳太常家有玉煙堂法帖

翠墨鏤成疑響榻碧紗題處愧新籠一燈從此傳千百紉

扇渾如畫放翁

春夏之交返往吳中十餘日歸舟連遇逆風口占一首

經年心跡閱林邱偶作東吳十日遊春水迢迢縈浦澈曉星落落數

上朋儔黃

魚好勤加餐住紅藥如邀買笑留不管石尤風力橫一篙容易轉船頭

疏軒初夏觸景成吟八首

亞簷庭樹影初交坐閱紅芳換綠梢童穉不曾驚鳥雀將雛時節復來巢

插竹纏枝引幾竿詩人遊戲出毫端屈將木本作芍藥擡舉草花稱牡丹

昌黎東坡

詩皆以牡丹為木芍藥
今稱纏枝草本為牡丹

茶藤架與薔薇援比擬同時得兩家別向鄰園移月季一般開作四時花

金魚苗貯瓦盆間世界江湖無此寬一关貧家供給薄又因施去食減盤餐樂

詩我來施食爾垂鉤少陵詩
盤餐老夫食分減及溪魚

箬葉還同魚子看箇中臭味品題難閒來繙盡金漳譜不愛珠蘭愛米蘭箬葉亦名

米蘭魚子亦名珠蘭皆庭中所
有金漳蘭譜一卷宋趙彥著

蜂尾穿花但釀甘人言甘苦兩難兼那知世有黃連蜜可得中邊一味甜東坡詩蜂

鬧黃連采蜜花本草宣州有黃
連蜜釋典如人食蜜中邊皆甜

不待年時夏稅期家家續命望新絲天移四月為蠶月郊風之蠶月三月也故遣縑盆浴

繭遲連月春寒立夏後蚤蠶始出

夢回明月照梨花畫稿依稀句裏誇辜負主人留望眼去年白燕傍誰家余去

燕詩有秋期行漸近春社望重歸之
句今竟不至故用章孝標語以解嘲

題烏程令王懿誦牧牛圖小照

出門便是草已到使牛處却关臨濟師逢人猶問路解一鼻孔何用牽放閒付阿

對露地常在前人牛各自在解二官今方牧民寓意在調伏可知母憶子不異牛

舐犢解三我有十幅圖與牛作公案除却牧牛歌請君加判斷解四

偶繙乙酉隨 駕日記中有恭和 御製乏良醫五律一章刻集時失

載今錄存之

好生天地德舉念感 皇慈已致民多壽還憂國少醫神農今再見岐伯更誰

師无妄初无疾須將勿藥治

梅雨連旬村中無播穀者

夜夜雨連朝村村路斷橋沉波多宿麥被壟少新苗垤蟻緣堦上庭蛙闌戶跳

眼前愁脉滿災豈待風潮脉滿見國語土人七月八月為風潮之候

曾三弟銓授寧波郡學官引年辭職詩以美之

行藏能自斷物望遂相懸清濁泉因地卷舒雲在天閒搔雙雪鬢笑擲片寒氈

寄語蘇司業毋煩乞酒錢少陵寄鄭廣文詩賴有蘇司業時時乞酒錢

春杪過曾濟蒼一夕而別入夏蒙兩寄書先後以疊韻詩索和次韻奉

訓兼柬高大立二首

風光暗閱人頭白喜如新小別俄經夏前遊尙及春沉唵懷剡曲寂寞慰漳濱

勿怪書遲答詩癡易稿頻

用宋方岳成句

相望兩故人物候又驚新屢送山中臘猶儲若下春烹鮮餘餽縷連舫待溪濱

地主清狂在行呼老阿頻

來詩評及舍弟近況故及之阿頻弟小名也

題徐韓奕小照二首

有手不放閒提攜到筭筥笑問八十翁疇爲擷芳侶

牡丹花中王蘭亦稱國香不逢采芝叟其肯襍衆芳

苦熱

六月廿九晨起作

天之告災古所聞旱旣太甚今復云氣將歎海變塵霧力欲拔山成火雲鱗介
難從釜偷活羽毛兼恐林遭焚人於其間何處避蠅蚋蝟蟻非爾羣

兩窗得宋齋見寄詩期於中秋踐廷益湖莊之約次韻奉答

七月十九夜

兩榻勾勾鼻息勾忽傳剝啄寄書人過頭久結西湖夏屈指爲期八月春

邵堯夫以

八月爲小春

夢去多番懷好友老來幾箇得閒身輸他龍馬賢昆季相距踈躑隔兩

塵

疏軒秋花今年特盛

高沿籬作障低覆地成茵草本無非藥秋花不讓春旱乾時適至澆灌澤惟均
不負栽培意終歸造物仁

題沈房仲竹林小照二首

龍蛇蛻骨能活虎豹看皮自文筆底唵風嘯雨眼前障日攙雲

白鶴蹤留彳亍青鸞尾散毳毳七賢六逸何處讓爾獨往獨來

戲會周柯雲卽以來詩中勤羸窮高四字爲韻

耄矣無新得終焉失舊聞業荒慚疏惰時過悔翹勤自署知非子人嗤折角君

時纂輯易注初成故用朱雲傳中事

桑榆收太晚餘照幸旁分

去日多于髮消閒事事宜花寧煩助長杖或借扶羸興到三杯酒唵成五字詩

偶然來熟客亦復著饒基

黔婁為妹婿

用香山語

晚境略相同海角支離叟人間潦倒翁鼠饑辭米盎蟲飽戀

書叢頗笑韓夫子為文欲送窮

似譽亦如嘲多承一字褒稍知辭世易敢作閉門高廓落容吾輩夸毗聽汝曹

枯松元早偃不是傲蓬蒿

驚聞紹姪天津之訃四首

八月十四日

急足三千里俄來告汝終適當風雨後驚起夢魂中掩面泪交迸附書哀莫窮

西郵兼北訃何以慰而翁

時潤木差江西北典試
灑姪將渡江省覲

弱冠充鄉貢今經十四年得名時最蚤不壽世爭憐京雒交游重家門友愛傳

細思無妖理我慘但呼天

新婦為嫠婦猶遲廟見辰粧奩資藥物衰經換綦巾割股初拚命迴腸為奉親

古來稱節孝嗟爾未亡人

姪贊于金甫兩月病中新婦割股和
藥歿後屢欲自經皆來僕口述事

二月占初吉依依話北征

仲春朔姪將北上
從新居來告行

半年疎問訊一別判幽明家已丁

衰運天胡厄後生眼枯垂白叟未死得無情自乙未至甲辰十年中連喪建承兩兒今又哭姪

重九日德尹邀同沈楚望房仲椒園及家尊聞東木於小尖山潮神廟

作登高之會基姪治具座間得詩三首屬諸子共和

海闊天低處登臨不在高一年秋向晚二老與仍豪練練沙紋細層層石脚牢

西風吹帽落絕勝上金鰲明張東海詩落帽風高客袂寒金鰲閣上倚闌干

積雨當新霽亭空望不迷雲烟無朕跡天地露端倪水勢方趨下潮頭忽轉西

近帆看漸遠——點鳥驚

沙彌殊解事指點語衰翁春夏初暄候東南積水中樓臺入圖畫人馬走虛空

海市依稀見吾詩與讖同是日居僧述三四月間所見如此余前題神廟詩曾有雲散蜃樓呈象出之句

牆角牽牛秋杪尚吐花

餐風吸露吐晨光續續花隨引蔓長賺我秋來頻早起直先七夕後重陽

答錢塘周少穆次來韻

種稻恆苦遲藝稷恆望早芝蘭失所植孰辨二芳草見後漢書毛羽性或殊鷓

飛讓鴻矯浮沉視水族蘋也要非藻眼前具物理豈必事遐討彼昏有不知醉
夢墮茫渺周生湖山彥譽擅東南寶猥蒙謙謙懷枉訊及羸老我初壯失學餘
媿時滿抱響應失宮商鼓鐘虛擊考竊聞立言義作者務根道與子古爲期摩
蒼還汎浩

沈房仲匏研銘

其追其琢寓匏於石笙磬同音吾以觀端瓊之德

寄祝老友翁蘿軒八秩壽

杖朝一老重鄉評耳尚含聰目竟明獨樂湖山歸地主同時卿相是門生

桐城相國

靜海司寇皆先生庚辰分校禮闈所得士

煙霞愛赴神仙畫絲竹閒陶觴詠情我欲壽翁何以祝祝

翁還請借翁名翁名嵩年

偕德尹曾三芝田赴學菴之招

浹日招尋又一回樂羣鷗鷺共沿洄

十日前曾三作主人

似聯等輩成唼社可有門生致

酒材新種青蔬供小摘就荒黃菊喜重開依然三徑柴桑宅不信曾官主客來

題許鐵山楊泓淨秋日詠物唱和詩後二首

才人洵有不平鳴老耳空堂蟋蟀驚曾酌社翁春社酒鼓商商應識秋聲
蛺蝶新時樣總非爭誇好手繡羅衣報章不乞天孫巧屈宋原來是錦機

敬業堂詩續集卷四

齊府詩人會編詩人詩

其與我... 齊府詩人會編詩人詩

齊府詩人會編詩人詩

齊府詩人會編詩人詩

齊府詩人會編詩人詩

齊府詩人會編詩人詩

齊府詩人會編詩人詩

敬業堂詩續集卷五

海寧 查慎行 悔餘

詣獄集

起丙午十一月
盡丁未四月

十一月十九日雪後舟發北關

冒寒連夜赴嚴程行過塘西天始明多事兒童催蚤起數峯晴雪指臨平

時率子姪

輩少長九人
同赴詔獄

泊虎邱

壯欲辭家老未能得歸擬作此山僧預愁脚軟腰無力難躡浮圖最上層

過常州不及入城留柬錢亮功徐學人

同年同學餘幾箇出處難教一例同錢不如徐猶勝我爾方室處我衝風

大霧渡江追憶丁亥春 先帝南巡迎 駕時過此

憶昨迎 鑾旭日紅今朝雲霧隔重重天留未死孤臣耳又聽金山寺裏鐘

過寶應示章綺堂同年

章亦同
赴詔獄

射陽湖畔偶停船却望前遊意惘然憶王樓村同年如此冰霜如此路七旬以外兩同

年

連日東風黃河冰合而復釋清可鑒鬚眉亦一異也

地降天升水氣澄人間何處辨休徵全虧三日東風力融盡黃河萬里冰

是夕雨幸已渡河

馬為薄蹄愁雨雪狐防濡尾怯風波二途處一知神貺用昌黎語竊幸朝來已渡河

沂水縣南二十里道旁榜曰二疏故里感而賦此

西京盛事傳稀有解組歸休我亦曾今日經過疏傅里檻車誰料有重徵檻車上施

欄檻囚禁罪人見劉熙釋名

霧凇花古人罕詠者惟曾南豐有七律一首拈筆示綺堂

迷濛夜路轉平沙開徧千林霧凇花中有數株高出屋蒙陰城北野人家

輿丁僱短驢

隨車逐馬走踈陵此路由來富役貧看取探囊租小蹇執鞭還有執鞭人

題整陽旅壁

高從泰岱躡天門，鳧繹龜蒙一氣吞。
好笑整山拳石耳，欲於此處獨稱尊。

阜城除夕邑令送南酒一尊

邑宰非交舊，何來此一壺。
投醪今夕意，明日抵屠蘇。

趙北口坐冰牀

老涉驚波足可憐，平生履薄怕臨淵。
阿誰與唱公無渡，三尺冰牀穩勝船。

旅店具魚羹有感而作

解凍風來二月初，水圍例賜擊鮮餘。
釜鬻已漑餐，何忍謂是先皇縱壑魚。

丁未立春

正月十四日

曆頭七十八回新，檢點猶餘現在身。
氣自東來瞻淑氣，臣今老去作纍臣。
平生

內省能無疚，此禍相連亦有因。
聊借樂天詩自慰，入寒陰獄變陽春。

香山成句前一日大

雪故用之

去冬臘月朔，渡江連遇風雪舟。
行至邵伯埭，阻冰復回揚州起旱及十

四日渡河則冰復開灑凌之後波平如鏡可鑒人影顧語同舟曰此非
河清之瑞乎因口占絕句云云近抵京師入刑部獄十餘日聞各省奏
報河清與余所見輒合再作七言長律紀之

喧傳喜氣動春城河瑞曾於臘月呈九曲竟成千里潤萬年重為一人清風
雲得路均沾澤草木何心亦向榮多少詞臣應獻頌蟄蟲慚愧發先聲

二月朔聞 皇上親祭社稷壇遇雪恭紀

重展堯蓂又匝旬每聞祀事必躬親時逢豫大豐亨會德感壇壝社稷神三
日致齋心皎潔五花應候雪紛纒麥秋好卜邦畿瑞預慰皇情及早春

和胡元方中丞次東坡入獄詩第一章韻

兩月冰霜忽入春余自去年十一月初八日離家今年正月初八日入獄全家赴獄豈惟身僮奴漸狎鈴

柳卒子姪初充灑掃人窮可挪揄宜有鬼交雖故舊亦如神古以不識面者為神交與君

只隔重圍住得讀新詩是夙因

謝元方送莞香

同氣類相求，蕙嘆因芝焚。豈若歛噫者，薰蕕兩無分。故人起我頑，辟穢揚其芬。依然方丈室，四壁生煙雲。

元方以三絕句見投，追憶武英書局舊事，次韻以答。

乞歸分作老農師，遙望觚稜記往時。同調祇今零落盡，忽從臺獄和蘇詩。

偕隱相期出帝都，白頭豈料復長途。鵠原急難由兄弟，不敢重誇四杖圖。

康熙壬辰

與仲弟德尹有歸休之約，曾屬同年蔣西君寫二隱圖以寓意。書局諸君皆有詩見贈。雍正甲辰三弟潤木省墓假歸，四弟信庵南宮下第，白頭兄弟同聚一堂。沈子松年為繪四杖圖，因來詩有好在壺中二隱圖之句，故併及之。

詞賦何當羨長卿，悔從俗學博浮名。此中舊是傳經地，幸檢巾箱借老生。

時從元方

借讀周易

元方又用東坡入獄第二首韻，余亦次和。

風人自古感淒淒，到此誰能氣不低。隙影一塵容野馬，甕天三尺覆醯雞。和詩賸有斜川子，問疾兼無法喜妻。花落鶯啼頻入夢，幾時歸路下塘西。

余家去塘西僅百里

故用東坡樂府中語

元方以上已夢中作屬和兼以慰之

閨歲纔過一半春前四日風光旋報采蘭辰招尋每歎虛高會唱和差忻得近

鄰終望主恩全晚節由來天意憫文人有生所歷誰非夢莫把須臾夢當真

東坡有詠御史臺榆槐竹柏詩元方獄庭無竹柏以菊梅易之余幽囚

之所并無榆槐止有老柳二樹其一已枯萎方供獄卒爨薪仍用來詩

次韻之例賦孤柳四章

雙柳誰所栽年年換新綠想當綢繆時寧料芻楚東北株乃先萎竟被金剋木
其一似含悽欲唱渭城曲我笑戲相語保己良已足幸敷尋丈陰庇及瞻烏屋

右次榆韻

春來影旋動夏至涼可歇垂垂弄風條點點溜雨葉云何讓榆槐秋實獨少蒺
入冬雖凋落飛絮猶比雪隨時閱寒暄荏苒送日月華堂或盈萬嘆爾太孤絕

右次槐韻

青草一寸無何沉柏與竹爾以少見留免教斤斧觸閱人諒已多大抵榮勝辱

榮者爲瓦全辱莫如碎玉豈無君復梅亦有淵明菊且留青眼看毋使眩紅綠
右次竹韻

向使生道旁視之等一葦柔條被攀折秋後猶未已何如在狂狷作配癡老子
南枝復生華惜已迫暮齒縱逃入爨厄行就凋槁矣誰復見當年風流張長史
右次柏韻

元方以爨僮潘姓畫松詩索和戲次原韻

鵲依庭柳雞羣棲飽食餘粒饑啄泥晨來東嚮傳好語片紙飛墮茨牆西展開
乃是畫松什金篋刮去兩目重重翳恍如突兀見此樹蒼髯翠鬣可望不可梯
雲煙浮空遞出沒蘿蔦著壁相纏緊頓疑圜土變山谷旁有白石鑿鑿清澗流
澌澌玉川長鬚那得此好手想與執爨老婢顏面同其黷主人文雅僕不俗行
廚行笥隨提攜老夫耄矣頗好事欲乞尺幅笑比鄰家醯倘能放筆爲我作直
幹識畫之眼略似分別青黃驪惜無傑句追步浣花叟使汝流傳名與畢宏章
偃齊

固始令汪牧庭故人棣園學使賢嗣也亦以事在獄從元方中丞索余
贈言偶憶閩中舊事以二絕句束之

莫逆初從七字詩 楓亭荔子憶分貽 到今餘味津津在 三十年前贈答時

再世論交復有詩 新篇如荷故人貽 時牧庭以和元方諸什見示 只愁咫尺成千里 三見東

方月滿時

哭三弟潤木二首 三月二十二日

罪大誠當殺全歸 有數存生難寬吏議 瞑亦沐 君恩鬼守辭鄉魄 棺封詔獄

魂幾時容反葬 薄殮勝王孫

家難同時聚 多來送汝終 吞聲自兄弟 泣血到孩童 地出陰寒洞 天號慘澹風

莫嗟泉路遠 父子獲相逢 上姪先一日卒

閏三月朔作二首

已過八十又三日 昨日纔逢穀雨辰 自是黃楊宜有厄 清和半月閏殘春

年光何與衰翁事 也復時時喚奈何 爲百草憂春雨少 替千花惜曉風多

春已盡矣孤柳尙未舒條閒步其下偶成

園外新葉樹出牆高亭亭畫地乃爲牢獨來伴拘囹我衰何足道日夜望汝榮
已經三月餘衆眼終未青將毋學病叟亦作支離形並生天地間草木非無情
寄語後栽者勿依問囚廳

敗羣鵲

朝查查暮護護鵲聲喜烏聲惡兒童打鳥不打鵲道是紇干生處樂維南兩鵲
驚不仁占巢高樹旁無鄰有如鴛化爲鳩眼未化以猛濟貪四顧圖并吞每當
下食羣退避六國何敢爭彊秦我欲驅使去舉火兼巢焚一回一嘆還逡巡天
生萬物何物無敗羣吁嗟乎天生萬物何物無敗羣

余續賦孤柳一章謂其生意盡矣立夏後試以井泉澆之旬日而芽蘖
稍萌再作一首索元方及德尹信庵兩弟和

徘徊古井湄枯者長已矣弔影憐其孤梢頭尙含蕾涉春旋入夏謂汝亦隨萎
天旱雨不膏地窪坎有水輓轆轉百尺灌溉自根始近本稊忽生漸看葉薨薨

敢誇人力勝實荷栽培理初如脫網魚半生猶半死終媿上林枝三眠復三起

涼棚吟

置身坎上爻叢棘周圍爨幽囚擬編戶聊受屋一廛舉家十數口老者居三焉
正愁五六月赤日流炎躔胡以使病軀免迫湯火煎眷眷梁主事情同地主賢
時於縲絏中委婉相周旋謂當設涼棚僱值約五千展開積穢土料節日用錢
列木十數株交加竹作椽蘆簾與草蔭補綴繩寸聯轉盼結構成軒豁開蟲天
凌晨常早起當午續夜眠清風有時來好鳥鳴林端繫惟三老喜羣兒亦欣然
語罷笑啞啞餐餘腹便便或如蟻旋磨或如魚躍淵或持書一卷或錄詩數篇
雜坐肯齒序徐行忽剗先並荷清涼陰渾忘在憂患叶平窮為天所隲厄乃世所
憐餘生知幾何造次求自安人笑比茶蓬似可結善緣何如杜陵叟廣廈千萬
間我方計逃暑彼乃思庇寒

病起吟

鬱火不上炎下注成癰疽彼蒼肯垂憫負痛不敢呼諒無性命憂聊復忍斯須

沉綿五晝夜寢廢食與俱今晨忽潰決僅免髻无膚起來就涼棚曳杖行徐徐
初日照我影依然一老夫老夫不自知人謂形太癯神清夢醒後悟徹痛定餘
那將煩惱藤縛此露電軀從茲維摩室四百四病無

又五言絕句四十首

一裘四十年韉在毛全秃狐貉不我温隨身作囚服

噬嗑利用獄家人閑有道滅耳悔已遲其能免何校

潤木坐訕謗九卿會訊以家長失教爲余罪名

弟兄隔別居各以一牆限向來對牀者咫尺不相見

潤木在內監我輩來彼初不知也

土舍比巢居嗷嗷引十雛喙長毛羽短愁殺白頭烏

念兒歲前到京首先投獄故云十雛

亦復有何喜朝朝雙鵲鳴畏寒思曝背爲報雪初晴

投足全無地多眠少起時偶然扶杖立形定影潛移

漏點晨初絕鈴聲晝不休似聞驅疫鬼賴有鎮監猴

獄卒循牆提鐵鈴以巡邏日夜聲不絕號鎮監猴云

以辟疫癘

日分一升米夜與饑鼠共驅之善緣壁聲觸銀鐺動

南所對北監傳是錦衣獄賸有圍外人追思璫禍酷

流惡就卑溼滇淤日幾回一方無垢地三寸不燃灰

畫猫非真猫虎斑而虎視雖無食牛量肯作啣蟬戲題壁上

飄瓦詹前地覆盆頭上天孽非由己作何用祀庭堅

樹根一口井味苦臭不腥差堪濯我足幸勿羸其餅

折枯為柴柵插地畫兩界吾餐乏腥羶螻蟻穴其外

煙煤昏四壁黑業被埋藏一面窗糊紙連朝佛放光

何處無芳草陳根此獨稀入春頻望雨倘有發生機

蘭以當門鋤竹緣開徑洗誰將移草心徧告園扉裏牆根見青草數叢移種新闢之地

八十日離家三千里路賒怪來南信斷昨夜卜燈花正月廿七夜燈花

門房十五人兩世半析筋皇天遣悔禍少長斯復聚

不夢羊踏蔬長叨官送菜黃蠶三百蟻於此了殘債送菜謂梁主事

樂府題曾記今方識本收凡人入獄者例有禁卒一人看守名曰本收相看無好語是日畔牢愁按畔牢愁

楊雄所作

馬糞兼牛矢麻黠及豆萁最憐羊豕骨亦可當薪炊

牢戶如蟲戶餘寒減復增雪花時點地二月未開冰

西北圍牆古無端半夜頽耳聾驚坐起謂是發春雷

余羈管處在外圍西北角牆傾幾被壓時過驚蟄二

十餘日尙未聞雷聲

官醫多試方庸者司性命衰病不自憂惟憂後生病

念兒學姪俱患瘡上姪帶危病自南所移來

經月不櫛沐盈頭髮半肓云何蝨其間彼乃能變黑

得毋蝨其間出昌黎詩蝨處頭而黑出嵇叔夜養生

論

夜到曝書亭夢尋種蓮主似與告歸期花時天小暑

春分夜夢與朱竹垞池上種蓮

同為卵生類天性人莫回林雅駢復集巢燕招不來

春服宜修禊今朝四事違

東坡詩古來四事巧相違

故人誰憶我猶著禦冬衣

上巳日有懷武原去年花

朝之會兼寄主人陳宋齋

蟲以臭得名橫行罪難掩均為血肉害蟣蝨當末減

百二春逢閨春風日夜饜忽驚春過半已閱四提牢

提牢主事一月例更替三月初來者以分校禮闈去

更易一人

不道流光迅翻傷見面遲却將三月半認作授衣時

三月十二日德尹攜家中所寄春服至

人間有桃杏悵望春維暮風捲飛花來誰家庭下樹

清明前一日大風杏花數片吹入牆內

遇物到忘機攝心入無想烏可巢吾肩鵲可食吾掌

姪抱危疾來沉綿知不起弟病初未聞胡為遽至此

上一姪歿於三月二十日後一日得三弟凶問

死伏冥誅矣株連罪已微慰懷傳一語後至或先歸

潤木歿後聞家西仲錢我持沈麟洲相繼至

向晚輕雷發人情望雨齊曉看簷瓦上點點是沙泥

穀雨前一上日天雨上

章子今云亡孤此一條竹上有斑斑痕湘纍如代哭

去冬偕章綺堂北來以斑竹杖見贈今章已物故睹

物為之心傷

蘿軒八十叟遠寄相思字讀罷紙滴穿報之數行泪

立夏接翁康貽手扎

數行寬大 詔遞減到盡室家長尤欣然生機在生日

五月初七日早聞此案概從寬典是日為余誕辰

敬業堂詩續集卷五

敬業堂詩續集卷六

海寧 查慎行 悔餘

生還集 起丁未五月盡六月

五月初十日出獄後感 恩恭紀

來著寒衣去暑衣半年囚服在園扉毀巢完卯初非望漑釜烹魚敢憶歸波累
門房從古有矜全父子似今稀雷霆雨露皆 天澤感到難言淚暗揮 此案罪名半年

乃定生者俱邀寬典減等發遣信庵父子以出繼獲免慎行及兒念尤蒙格外殊恩放歸田里

德尹將赴謫籍留別二章

獄具闔難叫 恩深海莫量尚憐遷謫地難定是何鄉 或山東或陝西 席帽炎

風熾蕉衫暑雨涼六雛隨一隻差勝向窮荒

全家同詔獄何事不相關泪盡存亡際魂驚聚散間吾衰虞死別汝健必生還
或者詩成讖他時一破顏

信庵先出都余行期未定

出獄我最先去住稍自由汝從官發遣刻限隨符郵後出竟先歸翻添小別愁
蹇驢汗其背壓馱衝蘆溝蘆溝新雨餘巨石滑如油念汝乏下走跬步防須周
幸賴兩兒賢謂克新克寬兩姪習勤子職修扶爺上土炕勸爺進晨羞行李倘缺乏世
塗向誰謀同在艱難中愧無能分憂節勞兼省費川程或乘舟僕指到家時恰
當逢立秋我歸諒匪遠無過半月留暑退風漸涼天高火已流壞籬摘瓜豆破
屋看斗牛濁醪賒南鄰麤糲舂西疇萬事姑撥置傷哉忍回頭

留別許立巖館卿

破涕忽成笑餘生是再生艱虞當末路窮老見真情行色風加烈歸囊葉校輕
叩門知緩急誰似許清卿

留別薄聿脩柯樞齡唐益功賡虞箴四同年

師門轉盼廿五年同朝同榜唯四賢再閱世途吾老矣欲談舊事心茫然名雖
放歸歸豈易官免限期期頻遷稍欣不徇祖餞例醉飽一路蒙哀憐諸君不隨俗例餞行

或贈驢或饋食物捆載滿車

送沈麟洲重赴粵東

豈謂家門禍餘波及海南往還程計萬會合日纔三閱世誰貞友隨翁有好男

時長君孟公仍隨侍南行故用蘇家父子事

桑榆留晚景竚立待歸驂

次酬高薑田贈別第一章韻

一生失學老無傳業富輸君經笥便詩得派來流法乳書成家後笑羊肩交新

高李游梁日名噪機雲入雒年何計商量延暮齒相於暫別久周旋

留別家爾周友龍兩弟及沈子椒園時三人同館高少司寇宅

鄉曲少唸伴得歸翻自憐南風吹五兩長路又三千春草池塘夢秋燈邸舍緣

別中如見憶頻望慰新篇

為紫幢主人留半日一晤即別後以詩寄之

宗室名文昭字子晉

為君留半日執手倍依依可惜論交晚重嗟省見稀調同忘分誼語重借光輝

十五年前路仍如免病歸

五月廿二日出都仍宿長新來時旅店

蘆溝向南去沙石轉蒼灣大道半淹水初程重見山已無三宿戀祇有兩人還
逆旅曾吾識垂頭亦慘顏

大雨

雲勢隨風轉雷聲掣電過頓消炎酷烈轉愛雨滂沱步步牛迷轍羣羣豕涉波
油衣那免漏好去換漁蓑

雨後新城道中

城南城北柳交加雨潤泥新未起沙嘉果烏偷鑽核李翠皮冰沁剖瓢瓜獨唸
自嘆成歸客一飯何須問酒家猶有皇恩忘不得每回白首望京華

即事二首

畿南處處好村莊水利初興歲未穰見說一春長渴雨麥秋時節始犁荒
白溝一線是通川遙指帆檣古渡邊預卜晝眠應有夢夢歸先上阿孃船

重過趙北口

記得冰牀冰面行一堤兩淀喜重經濃陰得氣涵晴露殘月收光避曉星橋俯

碧流知馬渴人歸近市覺魚腥今來古往成何事輸與眠鷗占此汀

晨發任邱喜晴

未到先愁我

自此至河間南北數十里地勢窪下遇三日雨輒成巨浸舊稱瀛海行者苦之

茲來頗快人夜涼貪得雨

曉霽幸無塵農戶耰耨出原田黍稷新脫離泥淖苦馬意亦踈踐

自獻縣至景德二州久旱無雨官司方事祈禱流民載路率成二首

燕齊封壤接極目際平蕪舊井泥猶汲新楊柳并枯吁嗟勤致禱潤澤冀均濡

為問西京吏隨軒雨有無

去京六百里依舊有流移

曩在都時聞五坊驅逐流民出境

忍作逐貧賦曾傳乞食詩一錢施

豈靳百族計誰私自揣還相謂吾非拯爾時

新蟬

荷校誰憐聰不明背春涉夏未聞鶯道旁拾得醫龔法高柳鳴蜩第一聲

過德州城外不及訪前輩田綸霞及同年李文衆後人

此邦耆舊幾人存田李風流在子孫雙袖龍鍾數行泪忍過西路灑州門

午飯苦水鋪

醬蒜羹葱薤羣蠅遽集斯忍饑為廢箸旁有勸餐兒

自恩縣南至津期店萬柳夾道成陰過此即高唐州界故末句戲云

晨遮初旭暮斜陽萬樹交陰午亦涼過此令人忘六月小車欹枕夢高唐

煙墩行

高唐以南營房一新

舊墩久廢土裂岡新墩改築高環牆十里五里遙相望戍旗標識從高唐兵居

輝煌盡丹腹民舍苫茅半頽落時清且喜罷傳烽夜靜寧煩勤擊櫟

行經在平有感於前令吳寶崖去官之故并紀所聞於旅主人

吳生曾出宰名被上官嗤下考催科拙中才橐筆宜俗貧非一邑民望失三時

旱潦憑誰訴能無怨有司

東阿縣北新開河一道問之土人初無名也

朝廷興水利州縣博虛名畚鍤紛紜集河渠指顧成久晴無水蓄一雨便泥行

即目杼懷句依稀太息聲

穀城山下

十日星埃苦晝炎晚來洗眼穀城南雲頭雲起晴飛雨山外山高青出藍

聞濟寧以南各插已通朝來從汶上改路東行小憩康莊驛

汶濟支流匯漕渠一道通買颿知校便改轍遂從東麥壠秋刈瓜田歲屢豐

槐陰茆店底小住為清風

濟寧旅館夜聞雨聲

新夢續殘夢重為一宿留

癸巳秋南歸亦從此地上船

載濡行可免將伯助何求前夜猶防

雨明朝好放舟多情天井派只管向南流

雨泊天井聞書所見

河魚逆上多衆網布插口誰知得魚者戴笠垂綸叟

下插歌

上插難下插易尋丈中間千里勢上插安下插危羣呼邪許無所施雷聲奮地

光飛電浪挽彊弓船釋箭人情冒險味吉凶取快祗爭呼吸中勸君姑緩勿用

亟需在泥沙方利涉

雨後曉發

曙色晴如霧舟行圖畫中三竿初上日一榻自來風碧野寬河北青山盡克東
旅愁隨境豁休道莫途窮

南陽舟中食新蓮子

晨過南陽鎮居民擾魚鮭湖光蕩漾開香溢岸兩涯亭亭翠雲蓋擊出扶桑霞
就船買蓮蓬賤比菽與麻擘之復剝之愛此玉粒芽中含涓滴味甘露同清嘉
雪乳蘊其漿細泉流齒牙至味少為貴充腸奚取耶淳于一石酒盧氏七椀茶
未免放厥辭徒為後世誇我本愛蓮人無端落泥沙園荒沼亦廢叫跳私蝦蟆
誓從今以往移藕向鄰家安得百頃池別栽十丈花

用昌黎玉井蓮事

連遇逆風舟行遲滯戲作吳體遣懷

雲峯突兀天溟濛打窗猛雨三日同滿槽渾渾西北水劈岸浩浩東南風得句

偶然從意外轉頭宛爾墮夢中長年年長健可羨弟作篙師兄枕工

船戶張姓二人兄長

余一歲弟
小余二歲

又絕句一首

淮南米價聞騰涌每遇商船問若何爭及此間魚最賤食魚人少捕魚多

再疊前韻

連朝不飯空捫腹奈此河魚腹疾何笑擲何郎供一飽看囊直覺萬錢多

東坡詩云去得順風來者怨輒以所見廣之

得上仙舟總不凡

余所乘舟名飛仙

巧從名句破機緘南來北去兩無礙去得順流來

挂帆

野泊

濁浪三百里黃河疑倒流歸心雖汲汲行役且悠悠新月生漁浦殘陽下枕樓
人家當不遠鵝鴨滿灘頭

脾疾戲拈三絕句

思慮出苦吟傷脾或有之我作多遊戲脾神應得知

桃實大于拳蓮實細于乳吾寧舍其大則以養脾故

血枯六脈微豈止脾脈弱世罕老人醫吾其肯試藥

六月十一日過臺兒莊

南池距臺莊三百六十里七日行始達水順風逆耳厄運老未終扁舟復落此
櫓聲晨到枕舟子報風止小兒前致問厄非自今始古人處逆中必有安常理
教之識忍字忍過事堪喜

宿遷關 吳體

舊輸兩石今不然 舊例民船自山東來者止令載巨石二至此交納以備河上工料 鱗跳羽萃愁滿川重船納

貨輕納料醉客禁酒醒禁煙嚴關正爾指淮岸密網行且張河壩空囊傾倒能

幾許大笑不容留一錢

桃源舟中

路比仙源迥不同恍於此地作漁翁帆移柳岸雲浮白日射蘆村霧吐紅直與
迴腸紆鬱結放教雙眼破鴻濛人間好境難多得生怕明朝又逆風

渡河口號八首

川后波臣兩效靈居民指點 翠華停清河口對清江浦黃瓦猶高 萬壽亭

先帝自丁亥年閱視
河工後不復南巡矣

蘆菱作棹夾河濱採買從來不累貧知是何年歸正帑更無閒地養官薪

六月河防未輟工清流長被濁泥衝縷隄土是遙隄土蟻穴移來築蟻封

船頭暗伏陷人灘枕底旋成閣淺灣平莫平於三草壩險應險過百牢關

海近天空地勢低水分南北岸東西板沙縫坼如刀截嫩草頭平似翦齊

長女占和少女同無朝無暮往來通舟人屈指六十日只有東南一色風

自四月望

至今兩月無日非
東南風亦一異也

小炷香分兩處焚河神別過別淮神不教名姓污祠壁誰識風波有幸民

老去艱辛閱歷多眼前何處沒風波怕將口號傳人口留與漁夫作權歌

淮口增築蓄清敵黃二壩上水甚難插河無此險也

古來傳禹績平土奏安瀾自設東西堰如分上下灘遏防令高易扼吭欲歎難

寄語河隄使神功勿妄干

淮岸夜泊紀所見三首

民將蘆編屋官取蘆爲埽蘆兮識可憐生死遞相弔
日沒月未上黑雲騰四面葦岸吐孤燈激波千尺練
大星三五點小星明復滅俯仰一清天玻璃渾不隔

曉過清江浦二首

清濁判淮黃有若渭與涇近來淮稍濁猶以清爲名賴此綠陂草映波如染成
急流導鷁首微風颭旗尾船上白面郎樓中紅袖女盈盈隔河漢相望正如許
晚泊淮陽城西知半月前淮水暴漲丈餘今勢雖漸減而隄外田禾低
者猶成巨浸感賦一律總督漕使張慕莘舊好也余爲放歸田里之人
不欲以姓名投謁竊取少陵春陵行之例詩成亦不寄張

桐柏山南水橫流一丈高孤城堅保障十日減波濤飢溺宜兼拯經營念獨勞
久膺艱鉅任何以沛陰膏

入寶應高郵界幸水不爲災河工方修築隄岸昨詩誠過慮也再作一首以解嘲

高寶陂湖接雙隄瀉衆流天光白森森野氣綠油油坐閱新苗長行看晚穗抽
腐儒不曉事徒作杞人憂

轉應曲效樂天體秦郵舟中卽目六首

浮沈豈必緣輕重此理難從物性求沙鳥羽輕偏善沒水牛蹄重獨能浮
後先豈必爭遲速此訣須從達者傳欲速馬因失足後開遲船爲得風先
貪廉豈必由取舍此段難從有意求二寸白小多漏網尺半紅鱗或上鉤
災祥豈必因旱潦此事終須人力饒千金隄塞一蟻穴百里水洩三虹橋
死生豈不論長短此事難從天道爭黃口小兒多夭折白頭老子却長生
富貧豈必關憂樂此意須從處境謀萬戶富平侯不樂一瓢貧巷士忘憂

立秋夜泊召伯埭熱極竟夕不成寐

直從日落風生後坐到星稀月淡時蘆荻灘頭秋氣味一年今夜最先知

揚州換船吳孝廉次侯至舟次相晤口占志別

吳生知我停棹先枉高軒向水濱差喜同年還有後生為豹文劇傷舊好絕

無人謂史蕉飲顧書宣郭于宮輩

渡江後舟中及初到家八首

行經五月又六月飽閱風狂及雨狂淮北晚禾將換綠江南早稻已垂黃一月

北所見不須臾過目留新詠容易歸途得故鄉餓死先廬吾亦樂沉聞歲計未

全荒舟子吳江人問知黃梅多雨嘉興以南田家無不播穀者

舟人亦復有何急晝夜來兼食宿程過隙馬馳颿倒影裂波魚出櫓雙聲傾欹

不少飛揚路安穩終輪自在行但得到家寧計日匹如半載坐愁城昨午從揚州解纜今

蚤已抵毗陵

賀我生還預有詩詩家古義孰如茲徐卿二子成名日錢氏一翁歸老時徐卿二子

見少陵集謂徐茶坪及思肖兄弟且款款故應憐久別匆匆猶足慰相思只慚

筋力難為禮來往初非論報施二君俱就舟次握別余不及報也

轉盡陂坳地掌平低田初聽桔槔聲風披翠羽芸芸長岸東清流瀾瀾盈擊壤
豈真忘帝力習勞翻似代牛耕誰為民牧應垂卹敢望蠲租望緩征

田

常州以南
彌望皆水

碧空如水月將出城外放船乘早涼到耳雞聲無次序刺肌蚊喙有鋒芒嵐光

澹澹開前路天意濛濛引睡鄉行過望亭渾不見塔尖初日見山塘

三更發錫
山至望亭

天始明

金閶門外氣如薰暴雨南來欲拯焚乍喜跳珠湯止沸俄看插漢火騰雲可憐

民困天知否大抵耕深報薄云慰爾眼前聊一快十分愁暫減三分

吳門小
泊喜雨

漸近鄉關倍慘然脊令原上鷓鴣天累添行處尋常債痂結平生未了緣石火

光中思拔宅木魚聲裏學逃禪不如且作黃山谷收取詩名四十年

涪翁
成句

蚤信歸期在未占隔年羊酒夢中擔

去冬將發杭州夢中有人驗詩二句云
鄰里幾家羊酒賀賀他父子得同歸

童識面尚入九父老叩門時兩三瘦盡形容皮骨在新留霜雪鬢毛添

獄中不
剃髮者

百五十日及出則兩考垂頰二寸視之故髯也留以志厄運

白頭白盡非初白別署頭陀忍辱菴

六月廿六夜過鴛湖訓會濟蒼別後見寄詩中舟字韻兼訂秋涼偕高

大立見過之約

好片南湖水重來洗病眸堂前初秉燭橋外暫維舟肯踐三秋約寧須一夕留

回頭經死地長恐見無由

住劫集起丁未七月

釋氏於賢劫一代分壞空成住四時就此四時中成劫已過壞空未來以

現在者為住劫余今患難頽齡猶餘口業正不知住世凡幾日更得幾首

詩也

七月十一日喜雨吾里自甲辰七月海潮汎溢後水土多成鹹味今年黃梅積雨土性復故乃得插秧

一村瀉鹵變良田甘澤重滋白露天歷盡河淮江北路喜從海角卜豐年

行研銘

從我於厄食我墨兮毋污爾潔幸洗雪兮

三年來村家不種稻而種木棉頗擅其利今年間有因襲舊例者入秋

風雨太多畝收失望感歎成篇

木棉秋早實經露復經霜日給貧家口年逋大戶糧
差宜沙雨潤最忌海風狂鄰有西成望嗟嗟爾獨荒

脾泄足腫久未愈醫云服參則效戲答之

人獲金比價盈兩十千錢藥竈添新火齋廚斷晚煙
萬緣能委運一事敢祈天老死尋常事休教病苦纏

枕上偶拈

七月廿四早

撚須擁鼻出呻吟淺語中含感慨深燕散已無雛
可戀花開尚有蝶相尋病餘稍悟浮休理閒處微
微寂照心因病得閒閒且病也如夢閱去來今

敬業堂詩續集卷六